


# UMUSEBANYA PA MULANDU WA CEBO

 Natotela, Munyina Neville.

Natile kuli Munyina Neville, “Bushe naushininkisha ukutila taukwete ukusubwa ukunono muno lucelo?”

<sup>2</sup> Ndesa mukupepelela abalwele. Kwaliko abantu abakolongene mucu ifwe . . . kumaca pa Mulungu umo. Ebo Nsanga kulya, Mbefafye baisa kuno ku chalichi. Kabili Ine—Ine lyonse ndatontonkanya ukuti cawamishapo ukupepelela abalwele pano pene pa chalichi. Nshishibe. Nalitemwa ukwisa ku chalichi, kabili ukwisa kuno kwine uko ulukuta, uko abantu kuno besa mukupepelela.

<sup>3</sup> Kabili kwaliko umukashana umunono kunuma kulya, umukashana umunono uwayemba ukucila, mulandunshii, Ndetontonkanya ukuti naikala pa ncende imo kunse kuno nomba, abantu nga tabaciya ku ng’anda. Oh, Namona nomba. Kabili ako ekayemaba nganshi. Kabili mulwele nganshi. Kabili twaleumfwa, ilyo twaumfwile imbila ya ndimi no bwilulo ifya cilalandwa. Kabili twalumfwile, kabili twatontonkenye ukutila icintu cimo calilandwa pa mukashana umunono. Kabili twalelolola ukumona nga Shikulu alipela imbila, ifyakusosa mulya. Lelo Ndetontonkanya ukuti umukashana umunono alifye bwino nomba, kabili ali nokuba umutuntulu. Kabili e ico . . .

<sup>4</sup> Kabili kwaliko na mayo uyo walufishe ukumona kwakwe, nao, kabili ifwe twalemupepelako. Kabili no mwaume muli motoka yakusenda abalwele kunse kulya, kapyunga. Nshiletunganya umwaume nga alifina ama pound amakumi yatatu na fisano, atemwa amakumi yane. Fye—nganshi, sana . . . Kabili e ico Nalishile mukubapepelako.

<sup>5</sup> Kabili umulandu Nabelele uwashinga shinga, iyingi, cementi yamumeno yalpona ukufuma mulino lyandi. Kabili Ndelishisha ne mwine, muno lucelo, ukucilinganya ilye ncende ukufuma mu malanda yandi kulya, kuntanshi kulya. Kabili balenjeba nomba ukutila Mfwile ukuyapeleshapo, nokubikapo utwakufimbapo. Kabili eico ubukalamba buleisa bulebendela, ecofye Njishibe. Kabili Nalikwete ukwisusha muli lilya limo, kabili citika we lino, kabili ilyo Natampile ukulanda, kuti mwacumfwa, umwela walefuma, na—na mwishiba ifyo Ndepilibula, ukupita pamilomo. Kabili cilenga ukukana lumbula amashiwi bwino, ifyaba ngefyo.

<sup>6</sup> Tuli abantu abashuka ngashi ukuba nomweo muno lucelo, kabili ukukwanisha ukwisa ku chalichi. Kabili pabushiku ilyo i

Ciminshiminshi tacilafika, ilyo tulelolola ukusefya uko bakwata, uko, Ndi—Ndinesubilo ukuti Ndi . . . Abana banono nabafulisha muno luno lucelo, eico Ndebafye shilili. Mwamona? Kabili fwe bakalamba, inshita shimo, tulalanda ifintu ifyo abana tabafwile ukumfwa, namwishiba.

<sup>7</sup> Lelo, Ndetontonkanya ukuti ichalichi nacikwata ifya bupe pano ifyabana banono, pnuma yakashita. Nacilamonapo, kunuma kulya. Oh, mulefwaya ukwikala. Panuma ye sukulu lyapa Mulungu, mulolelekofye, mwamona, pantu Nde—Ndedetontonkanya ukuti nabakwata ifyabupe kunuma kulya ifya bana banono, ifyakupela muno lucelo. Kabili ilyo Na . . . Imwe mwe bana banono, ibukisheni, ilyo tulecita ici, Ndefwaya ukulenga ici ukumfwika bwino, uyu te Santa Claus, pantu ilyo elayashi muka sambililapo ubushuku bumo ukutila tacaba nangu cimo cena. Lelo cena cifumine kuli Yesu Kristu, Icine ica fishinka fyonse, mwamona, u Mwana wakwa Lesa. Kabili tulemupela icabupe icinono, luno lucelo, pantu tulefwaya ukuti mwishibe ukutila inshita imo Lesa apele icabupe icacilapo icingapelwa kumutundu wamuntu: u Mwana Wakwe. Kabili twalikwata inshila iishawama iya kucilondolwelamo. Kabili ico twingapela icingalinganishiwa naco. Lelo nga abantu abafwa, umo ku mubiye, tulacita ico.

<sup>8</sup> Nomba, Naciba no kulolela mpaka pa Mulungu uleisa. Kabili Ine nalimo nkacita ico, nangu cibefyo, pacintu cimo ico Nalefwaya ukusosa. Kabili icentu cimo cali—calilengwa ukwishibikwa kuli ifwe, ku ng’anda, palwa cimonwa, ico Mfwile nakonka. Kabili caliba ica . . . Caliba icapala, mukumoneka, kuti caba icakalabana, lelo tatulefwaya ukutontonkanya ukutila ifyo Lesa alanda fyalikalabana. Ena—Ena ifisendo fyakwe fyalyanguka.

<sup>9</sup> Kabili ifi cili icakuti pa Mulungu uleisa, Lesa nga atemwa, tuli nokukwata u—ukulongana pabushiku bwakutila masoshi Kusefya Umwaka Upya, nga cakuti Shikulu cikamusekesha ukuti ifwe tukakwate uku kulongana. Kabili tulefwaya ukukwata ukulongana kwa lucelo, ukupepela abalwele, nalimo umulimo wa lubatisho. Kabili Natontonkenye ukuti, kuti twacisabankanya kubanensu, icakuti bengesa. Nomba tukakwata pa Mulungu ulucelo na pa Mulungu munshita yabushiku. Kabili nomba abantu balefwaya ukwikala ukufika kukusefya Umwaka Upya, ninshi natukwata i . . . Ali no kukwata Ukulola, uno muku? [Munyina Neville atila, “Ee.”—Kale.]

<sup>10</sup> Kukaba bakapyunga abengi kuno, bakalalanda munshita yabushiku iya Mwaka Upya ukufika pakati kabushiku. Kabili—kabili tuleita bakapyunga aba musango ulya ukwisa no kulanda. Shikulu nga asuminisha, Ndefwaya ukuba umo pali bena uukwete icintu cimo icakulandapo mu nshita ya bushiku bwa Mwaka Upya.

<sup>11</sup> Kabili pa bushiku bwapa Mulungu uuleisa, Natontonkenye ukutila kuti Naleta umulongo wafintu ifilecitwa, ifyacitwa, ukulangisha ifyo Lesa alebomba na bantu Bakwe, no kuciletafye mu—ukusondwelela muno mu chalichi.

<sup>12</sup> Kabili mwebengi mulesunguka pali ici cacitika ica musonko ico tulepitamo. Cena calibombwapo. Kabili eico Ndefwaya ukumweba ifyo cilya cacitike, pamo. Kabili Ndetontankanya ukutila, kuti caba, ukucilandapo nakabili, pa bushiku bwa Mulungu uuleisa, eico Nkalolelafte pa Mulungu uleisa. Kabili nokwasha ukulanda kuli imwe panono, muno lucelo, ukufuma mu Cebo. Mwamona? Kabili pa Mulungu uleisa, Nkesha—ukwasha ukucita ico, nga Lesa asuminisha, ukumweba ifyo cili, nokuleta kuli cila umo cimo pafintu ifyo Shikulu asosele, kabili mukese mona ifyo cikomapo palyapenefye petoni. Mwamona? Ena talanda icintu nangu cimo icalubana.

<sup>13</sup> Lelo, nomba, icintu cimo ico Ndefwaya ukusosa muno lucelo, ukutila nalimo Nshacite, nshakacite pa bushiku bwapa Mulungu uuleisa, cili palwa cintu cimo icacitike mailo. Naciba uwashinga shinga pakwisa luno lucelo, pantu Ndi ngo walelepulwa, eico Nshi—Nshileumfwa ukufikapo. Lelo pakuba ukutila ndi pano, ukuba, Nalaesha ukumona apo Ningafika.

<sup>14</sup> Bulya bushiku, Nalitandalilwe, Munyina na Nkashi Sothmann, nga ffintu mwishibe pano, umo pabauwa bacetekelwa abamu chalichi, kabili umukashi wakwe, aishile mukutandalila umukashi wandi na Ine. Kabili twalelanda pa kulongana kuleisa mu Phoenix ne ncende shashinguluka, nga cakuti bufwayo bwakwa Shikulu. Kabili twaikele ukufika nalimo teni-sate, Nde elenganya, kabili Nalile sendama inshita mupepi na leveni.

<sup>15</sup> Kabili pakashita kamo munshita ya bushiku, Nalotele iciloto. Kabili muciloto Namwene bamo abaali nokuba bataata; abakalamba, abantu bapamfuka, baleimininakofye, mukuciminika, bataata. Nalimwene namayo, tamoneke nga bamayo; lelo, nomba, ena alingile ukuba ba mayo. Kabili naba abaume (abaali nokuba kwati niba bataata, abalume ba uyo namayo) balemusunga buluku buluku, ngafintu bakwete ulubao ulukalamba, kabili kuti bamwimya pamulu nga *ifi* nokumulopola necipandwa calubao, kabili ena kuti apona no kuya kuya panshi. Kabili nomba—kabili nomba, panuma yakashita, kuti aima nakabili. Kabili kuti aisa, apanga kwati kumuma nakabili, aisamuma nakabili. Kabili Naiminine akatalamukila, ndetamba ico.

<sup>16</sup> Mukulekelesha, Naishilenaka naco. Kabili Nali umunono nganshi kumushinku wa aba abaume, alingile ukuba nga batata. Eico Naile kuli bena nokubika umunwe wandi pa cinso cabo. Natile, “Mwimumamo nakabili.” Mwamona? Kabili ilyo Nacitile ico, icintu cimo catampile ukucitika.

Amaboko yandi yatampile ukututumuka, Naishilekula, iminofu iyafimba iyakosa. Nshatala monapo bakapafu aba musango filya. Kabili Nabulile fye umwaume mu nteneshi, kabili Natile, “Mwimumamo nakabili. Ngacakuti mwacita ico, mulinokumonana naine nga cakuti mwamumamo nakabili.” Kabili abo baume baishilentina, nokumusha. Naishile buuka.

<sup>17</sup> Ukuba, ukulala mulya, mu kashita fye akanono, nifyofine, ukuwilula kwacilya ukwalishile. Ico caali, nifyofine, namayo, mukulanda kwakwimininako, ci Chalichi, icili kwati ni nyina. Wishi cilonganino pali ena, ico iciteeka pa Chalichi, ngo mulume pa mukashi. Kabili nifi ifilonganino ifileuma i Chalichi, kabili tafi Muleka ukwiminina pamakasa Yakwe nga filya. Ukubafye, inshita yonse Aesha ukwiminina nangu ukucita icintu cimo, bena, abantu bamulya, icilonganino cila Muposa panshi. Kabili cilepilibula ukubika imo—imo iminofu yacicetekelo kunse kuno ukuti ntwalilile ukubika umunwe wandi kulya, nokutila, “Ulemonana na ine. Mwamona?” Pantu, kuliko abantu bamo mulya abakwa Lesa. Kabili cilya califye bwino. Palwa . . .

<sup>18</sup> Twali kulya nalimo ama ora yabili, atemwa yatatu, Nde elenganya. Kabili umwana wandi umwanakashi, umo pali bena, Rebekah, kunuma kulya, kunuma kulya, abombela ku Cipatala ca ba Methodisti mu Louisville. Aba, oh, balya abashilaishibisha ablekansha ba nursi. Ba “bombafye ukwabula amalipilo,” efyo babeta, nangu icintu cimo icapala ngefyo. Kabili ena aali, ena . . . Balimwitile ukwisa lulya lucelo, kabili ico ecanjimishe. Kabili cali ulucelo celo, na ena, pamo nabo basambilila nabo pamo kuno, ba—babomba pamo kulya, kabili nali nokubatwala kulya ku Louisville. Baali nokuba kulya pa teni koloko. Kabili abakashi basungwike umulandu bafililwe ukwingila kumuputule wabusanshi. Nalikomeneko.

<sup>19</sup> Nomba, Nalikwatapo ifintu ifingi ifya kucitika mumweo wandi, lelo Nshatala kwatapo icintu ica musango nga ulya. Naile mu cimonwa. Nshishibe ubwilulo. Nshatala nkwatapo icintu ica musango ngoyo mumweo wandi. Lelo, ku ntanshi yandi, camoneke kwati Naishile iluka ukutila cali cimonwa, kabili nali mucimonwa. Lelo Nalelanda nomwana wandi, Joseph. Cali ukuti, ena taali mumuputule pali ilya nshita. Lelo mu nshila imo, nga fintu canjikete, Nalelanda na Joseph.

<sup>20</sup> Kabili Na—Nalolekeshe mu mulu. Kabili kwati mu musango wa pyramidi, yaiminine ku ntanshi yandi, twali utunono, utuni utunono, icapala citika wa inchi mubutali. Kabili bena bali, pamulu, pamisambo, kwaliko i . . . nalimo ukusosa, itatu atemwa ine. Nomba, icakonkelepo, umusambo wakonkelepo wakwete cine conse konge nangu ikumi. Kabili pesamba panshi, pali ikumi limo natusano nangu amakumi yabili.

<sup>21</sup> Kabili twali utunono utwabulwi, pantu amasako yatuko yali ayapumwa, kabili camoneke kwati twaleesha ukulanda na ine,

ukulanda icintu cimo. Kabili Nali ku Mboshi, ukumoneka nga ku Tucson, ku Arizona. Kabili utuni twalelolesha ku Kabanga. Kabili Naleumfwa ndekutika nimposako amano. Twaleesha ukulanda, camoneke kwati baleesha ukunjeba icintu cimo. Kabili twalikwete utumasako utunono, nabatupuma, nefintu. Twakwete ifibala-fyabulwi. Nomba, mu kupumikishafye, icuni cimo catendeke ukusenda icifulo cacinankwe, ukulatoloka nga *filya*. Kabili twena, utuni utunono twaile, tulepupukila ku Kabanga.

<sup>22</sup> Kabili ilyo twacitile ico, ukufuma kuli cilya kwaishile icuni icikalambako, icapalako inkunda, na mapindo ayasompa. Kabili—kabili—kabili twaishile mwibumba, ulubilo nganshi ukucila ifyo ifyuni ifinono fyali, fyapupukile lwakukabanga.

<sup>23</sup> Kabili Nali muli yabili . . . bakampingu capamo, Nalishibe ukuti Naliminine kuno, kabili Nalishibe ukuti Nali kucifulo cimbi. Mwamona? Kabili Natontonkenye ukuti, “Nomba, ici cimonwa, kabili Ningile ukusambilila ifyo ici cilepilibula.”

<sup>24</sup> Ibumba lyabubili ilya tuni atwisa, Naloleshe ku Mboshi. Kabili camoneke kwati ni mumusango wa pyramidi, nga tubili kulubali lonse, nacimo pa mulu, twaishile basano pabakwatisha amaka ba Malaika abo Natala monapo mumweo wandi. Ulubilo ulwine lwine, uo Nshatala monapo. Imitwe naiposwa kunuma, namapindo Yabo ayasompa, balepupuka ulubilo nganshi! Kabili amaka yakwa Lesa Uwamaka yonse yalinjikete, mu musango umo, mpaka Yanjimishe ukumfumya pamushili, inshila yonse ukumfumya pamushili, pamulu.

Naleumfwa Joseph acili alelanda.

<sup>25</sup> Kabili caumfwike kwati icicinga iciunda calelepuka, ukuti—ukuti ukubuluma ukukalamba kwalicitike, ukutali, ku Masamba. Kabili ilyo ba Njimishe pamulu . . . Kabili kwali ukubutuka kwaba Malaika ukwine kwine! Kabili Nde—Ndeba Monafye nomba line, mwamona, ilyo—ilyo Baleisa, mumibele nga *filya*, ukupupukilafye muli ine.

<sup>26</sup> Nomba, tekulota, nomba. Iyo. Nalifye kulya kwine, nimbukafye ngefyo Ndi nomba. Mwamona?

<sup>27</sup> Lelo ici Caishile. Kabili Balebuuka icine cine, mpaka Natontonkanya ukutula, ilyo Yaimine . . . Naumfwile ico icapokele, kwati, nangu kwati cakupoka icapokele, kwati cakucingilila iciunda. Kabili ilyo cacitile ifyo, Natontonkenye ukuti, “Ukuba, ici cilingile cilepilibula ukutula Ndeipekanya ukwipaiwa, mwamona, mukupoka kwa musango umo.” Kabili—kabili Ine fye . . . Ilyo Natontonkenye pali filya fintu, Natontonkenye, “Iyo, cena tekuti cibe cilya. Pantu nga cali cakupoka, nga calisendele Joseph, pamo, Pantu ali palya., alelanda, aletontonkanya ukutula epo Ndi. Ndemumfwa. Tacali ico.”

28 Nomba, ici conse cicili mu cimonwa. Cena tacali... Mwamona? Cena cali mucimonwa.

29 Elyo kabili, pamukufye umu, ilyo Naishileishiba ukuti Naciba... Balinshingulwike. Nsha Bamwene, lelo Naliletelwe muli ili bumba lya ntanda ilya pyramidi Yabo, mukati ka ili bumba lya—ilya ba Malaika, aba basano. Kabili Natontonkenye ukutula, “Nomba, Malaika wamfwa akaba umu. Basano bakaba inkumbu.” Naletontenkanya cilya. Natontonkenye ukutula, “Oh! I—Ileisa ne Mbila yandi. Uko eku fika kukusondwelela ukwacibili ukwandi. Baleisa mukundetela i Mbila ukufuma kuli Shikulu.” Kabili Nalibilikishe namaka yandi yonse, ukubilikisha apo Ningapela ukutula, “Mwe Yesu, nicinshi ico Imwe mwingafwaya ine ukucita?” Kabili ilyo Nacitile ico, Caishilefye—caishile fumafye pali ine.

30 Nsha—Nsha—Nshaumfwapo ukulungamikwa ukutula ilya nshita. Mwamona? Nali, akasuba konse mubushiku bwa mailo, Naikelifye mung’anda, mupepi nokumfwa kwati temubili wandi. Ndefilwa ukumona ifintu bwino. Kabili ubukata namaka yakwa Shikulu! Nali necifungalashi konse, ilyo Canshile. Nalelesha ukufikina amaboko yandi. Kabili Natontonkenye ukutula, “Ndefilwa ukupema bwino.” Kabili Nalyendawike, ukupitana, naya kabili nabwela. Naletontenkanya ukutula, “Bushe cinshi cilepilibula ici, Shikulu? Bushe cinshi cilepilibula?” Nomba, Naliminine. Nokutula, “Shikulu Lesa, umubomfi Wenu ali... Ine—Ine tekuti njilukefye. Mulandunshii? Cilya cali nicinshi? Ukulenga caishibikwa, Shikulu.” Ukuba, ilyo i...

31 Ine tekuti mwebe palwa, ilyo Nasosa ukutula, “Amaka yakwa Shikulu.” Takwaba inshila nangu imo iya kulondolola cilya. Tefintu muleumfwa pano, mumapalo. Ayo mapalo yakwa Shikulu. Ici cabulesa! Oh, owe! Cena cili—cena nacacila icintu conse ico umuntu uufwa engelenganya. Mwamona? Kabili cena—kabili cena calensakamika, mumaka. Tacili... Temapalo. Cakucusha. Nausakamikwa. Mwamona? Filya eflyo cili. Nga kutifye mwa...

32 Nga kuti Nasendafye inshila imo iyo Ningebelamo abantu ifyo cilya cali, nangu ifyo cena... ifyo ukucumfwa cali! Cena, tacali ngokwikalafye palya, kufwaya ukuwanga. Cintu—cintu cimo ico imishipa yamumubili yonsefye i... calicila pacakutinya. Calicila pacakuleta umwenso. Cena mucinshi wa mushilo. Aka... Ine... Tapali inshila iya kucilondolwelamo. Ukufika, mpaka, inuma yandi, pamulu-na-panshi mumongololo wandi, ukupita muminwe yandi, pamulu-na-panshi pamakasa yandi notukondo umubili wandi onse walikwete icifungalashi, mwamona, kwati na—naufuma mucalo, kuncende imo. Kabili—kabili caitampa ukunsha, panono panono, kabili Natile kuli Shikulu, “Bushe teti Muleke naishibafye, O mwe Lesa?”

<sup>33</sup> Ndeelenganya, ukutila, inshita yapalaminako iyo naishile kwata yalya amaka nakabili, cali ilyo Nali mu Zurich, ku Switzerland, ilya nshita ilyo Anangile Kapumpe waku Geleman aletamba ulya kanina-wapali kabalwe umu Ngeleshi aleisa alepita mu Africa. Kabili Atile, “Bonse balibembuka nokupelebela ku bukata.”

<sup>34</sup> Kabili Nalelilila kuli Shikulu, ukungafwilisha. Kabili Nde—Ndefwaya Ena ukumpela ubwilulo, pantu Nalisungwike nga cakuti capilibwile—nga capilibwile ukutila Nali nokufumapo, Nali nokwipaiwa. Kabili nga efintu cali, Nshali nokukana ebako ulupwa palwa ici. Ninshita yandi iyakuya ku Ng’anda, mulandunshi, Ndeyafye ku Ng’anda, efyonse palwa ico. Lelo nga—nga filya efyo capilibwile, Nshalefwaya ukweba ulupwa, nshalefwaya ukwishiba nangu cimo palwa cena. Lekenifye cicitwe, kabili cilya—cilya kuti caba fyonse palwa cena.

<sup>35</sup> Natile, “Shikulu, ngafwilisheni. Nshilefwaya ukweba ulupwa, nga—nga cakuti Imwe muli . . . Ici, bwite bwandi ukuya ku Ng’anda, ukuba, Ndi—Ndi nokuya.” Mwamona. Natile . . . Kabili, namwishiba, imwe muli . . .

<sup>36</sup> Mwatila, “Ukuba, mulandunshi ta watontonkanishe pafyo wasosele mu cimonwa, ifyo icimonwa casosele?”

<sup>37</sup> Lelo tekuti utontonkanye pafintu ifyapala ngefyo nomba. Iwe . . . Ine tekuti, nangu cibe ifyo. Kabili Natontonkenye . . . Nalifye uwacushiwa, uwaumfwa ububi. Tawishibe ifya kutontonkanya. Tekuti utontonkanye.

<sup>38</sup> Kabili Natile, “Shifwe uwa mu Myuulu, nga cilya capilibwile ukutila—ukutila ukupoleka kwali no kunsenda, ukuba, lekeni njshibe nomba, eico Nshili no kusosapo icintu nangu cimo palwa cena. Lekeni ubukata Bwenu namaka fise pali ine nakabili, kabili finjimye nakabili. Nangu, lekeni ubukata Bwenu bwise pali ine, kabili lyena Ndi—Ndi no kwishiba ukutila capilibwile—cena capilibwile cilya kabili icakuti Ningacisunga nasunga palwandi nemwine.” Kabili tapali icacitike.

<sup>39</sup> Eico nomba Natile, “Kanshi, Shikulu, nga cilepilibula ukutila Muli nokutuma Inkombe Shenu ku mulimo wandi, kanshi lekeni amaka Yenu yese nakabili.” Ico kwati camfumishe mumuputule!

<sup>40</sup> Nangula, Ine—Ninjisa ne mwine, na Baibele yandi muminwe yandi, nomba, mwamona, kabili ukulomba Lesa ukungafwilisha. Kabili ilyo Nacitile ico, Ena—Ena anangishe icintu cimo mu Malembo, ica kuminefye kuli cena, palya pene. Kabili Natontonkenye ukuti, “Bushe cilya mucituntulu kuti caba cilya? Musango nshi Nacitilemo cilya?” Kabili, oh, Ine—Ine tekuti nondolole ifi fintu, mwe bantu. Cena cacila pa cintu icili conse ico Naishibapo. Mwamona?

<sup>41</sup> Umukashi wandi ni namayo uwaibela nganshi, umo pa bawamisha mwisonde. Lelo, pakashita akanono, Nshacisosapo

nangu cimo palwa ico. Nalile pantanshi. Alishibe ukuti pali icintu cimo icacitike. Eico ilyo Namwebele, atile, “Nawishiba, Bill, Ndekumona nokukumfwa, mufintu ifingi.” Atile, “Nawishiba Nalicetekela nomutima wandi onse,” eflyo asosele. Atile, “Lelo cilya mucine calikwete icintu cimo.”

<sup>42</sup> Cena cilemoneka, cilensunkanya, uko kupoleka kabili nokwisa ukwakubutuka ukwa ba Malaika nga filya, basano aba bena capamo, mwi—mwibumba ilya bena. Icapala, ukupalako—ukupalako nga fintu Nakwete ilya pyramidi iyo banengelele apa, mwamona, bamoneke ukuba, pakubala, balemoneka kwati, icapala i. . . akatalamukila, bamoneka kwati lilangi lya nkunda. Kabili bena bali mu—mukwisa ukufuma kuli *ulu* lubali. Kabili bena bali, ukumoneka kwati, umo, babili; batatu, bane; kabili nombamba umu ali pamulu, mwamona, ukupanga basano. Kabili baishile balebutuka nganshi! Takwali nangu cimo, takwali indeke, takwali nacimbi cimo icingalingana na *ico*.

<sup>43</sup> Kabili Nalebamona, nemitwe yabo naba pilibwila-kumbali. Amapindo ayo nabatwala kunuma, abafwala-ifyabuli ifyapwililika, kabili baishile, ukubutuka “Whew!” Nga *filya*. Baishilefye panshi, nokunsenda muli pyramidi uyu uwebumba lyabo. Nalimwene ukuti Nali ima, pamulu ukufuma pa mushili. Natontonkenye ukutula limbi. . . Na umfwile, ukutali akatalamukila, uko ukubuluma, “Whoom!” Kwati ni—ni—nindeke ilyo yabita mucakucingilila iciunda, mulomfwa cacitika ifyo, kwati kubuluma kuncende yapatali.

<sup>44</sup> Natontonkenye ukutula, “Ici kuti capilibula nombamba, ilyo nombamba ici icimonwa nga cansha, ukutula Ndinokufwa ku cakupoleka nangu icintu cimo.” Natontonkenye ukutula, “Pano apo Ndi. Ninsumbulwa. Ine. . . bena, epo bali pancende imo, Ndi—Ndi muli iyi, iyi pyramidi yaba Malaika. Lelo, Nshi—Nshishibe. Nalimo Shikulu aleisa mukunsenda ku Ng’anda.”

Nombamba Naumfwile Joseph panshi pakya, aletila, “Taata?”

Natontonkenye ukutula, “Iyo, nga cilya eco, cena nga calimusendele, pamo.”

<sup>45</sup> Nombamba Icintu cimo catile, “Iwe. . .” Ibukisheni, Ndelolela, ukumona i Mbila iyo lyonse Nalefwaya ukumona yaisa, icintu cimo.

<sup>46</sup> Kabili icimonwa, ubushiku bumbi, namwishiba, kabili Nalikwete kuno tapapitile inshita, ukunjeba palwa ico cali nokucitika, ifyo Naleshimikilamo, ukufuma pa kasuba, ukwisa muli iyi ncende. Kabili—kabili Inombamba Atile, “Nombamba ibukisheni, ukusondwelela kwacibili klui nokwisa.”

Natontonkenye ukutula, “Kukaba i Mbila.”

<sup>47</sup> Ibukisheni i Mbila yandi pano? Ukwisula kwa lilya libwe ilya kutenteka pamulu, uko, yalya amashiwi cinelubali



ne fikakatikilo ifishalembwa na mu Cebo cakwa Lesa. Muleibukisha? Kabili cena calintwele muli ilya pyramidi.

<sup>48</sup> Kabili Junie Jackson, nga cakuti epoli pano, cilya ciloto ico wampele pakashita akanono akapitile. Nshacilande luno lucelo. Imwe mwali nganshi. . . Lesa ali mukupwililika nganshi. Kabili munjeleleko pa kukanamupela ubwilulo; pantu, Nalimwene icintu cimo cileenda.

J.T., icintu cimo cine, mwamona. Kabili Na—Na—Nalishibe cilya.

Kabili Nkashi Collins, umusango umo winefye. Mwamona?

Kabili mutanda uwa balya, ukutungululafye filya fine kucintu cimo cine.

<sup>49</sup> Kabili nomba icimonwa ico Namwebele imyaka yonse, iyapitapo, cacitike fye ubushiku bumbi. Mwamona? Cilya cali nokucifika.

<sup>50</sup> Kabili ico cili apa, nacilambalala icalungama, fyonse nafilambalala ifyalungama. Kulikofye icilesela. Nshishibe ifyo cena cili. Lesa ngafwilisheni; lipepo lyandi.

Natupepe.

<sup>51</sup> Shifwe wa mu Myuulu, ifwe tuli—ifwe tulifye abantu abafwa, kabili natwiminina muno lucelo. Kabili, Shikulu, Ine. . . Mwalintuma ukutungulula akamukuni akanono neli ichalichi. Kabili Ndikumpela yandi. Nshishibe ni nshilanshi, nicinshi, nikwisa, uko kuleisa. Lelo Nalishiba ici icintu cimo, ukutula, Mwatile Muli nokupanga “ifintu fyonse fibombela mubusuma kuli abo” aba Mutemwa kabili baitwa ukulingana no mulimo Wenu. Ndepepa kuli Imwe, mwe Lesa, ukutula ukuboko Kwenu ukukalamba ukwa luse kwalaba pali ifwe.

<sup>52</sup> Ifwe mucine twalishiba ukutula Imwe muli Lesa. Kabili twalishiba ukutula Tamuli abaikela munshiku shapita, lelo Muli bamweo neleelo. Mwali lyonse Lesa. Mukaba lyonse Lesa. Mwali Lesa ilyo takulaba inshita, kabili Mukaba Lesa ilyo takwakabe inshita nakabili. Mukatwalilila ukuba Lesa.

<sup>53</sup> Kabili twaba mumaboko Yenu, Shikulu. Tuli ibumbafye, kabili Imwe muli Wakapanga, Kabumba. Tungululeni imyeo yesu, Shikulu, munshila iiga kwata ukubomba ukwawamisha uku Micindika. Peleni ici, Taata. Tulifye mumaboko Yenu.

<sup>54</sup> Tatwakwete inshila iyakuileta pano, kabili tatwaishiba ifyo tukafumapo. Shikulu, Mupela kuli ifwe umweo, kabili na Mukwata. . . Twabwesasha imyeo yesu kuli Imwe, kabili, muli ifyo, Mwalitupela, mukukabushanya, u Mweo wa Muyayaya. Icicetekelo cesu cipemena ico mummye yesufye. Kabili twali Mutemwa pali ici, pantu twalishiba ukutula ubushiku bumo tukesa Mumona, kabili Mukaba mu bukata Bwenu. Kabili tukesa Mumona. Kabili tulafuluka ukumfwa ayo mashiwi ayaleti, “Nacibombwa Bwino, we musuma kabili uwacishinka

umubomfi wandi. Ingileni mukusangalala kwakwa Shikulu, uko bamipekanishisha ilyo umufula wesonde taulabako.” Mpaka ilya nshita, O mwe Lesa, ilyo ifwe bonse tukakumana, tutungululeni.

Ifwe tuli babomfi Benu, kabili tulelomba ubwelelo pamembu shesu.

<sup>55</sup> Ifi fimonwa ifyamaka, Shikulu, fyaba ifingi nganshi kumubomfi Wenu. Nshishibe ifyakucita. Nji—Njishibefye ukuti filesa. Kabili kuti Nasosafye ifyo Namwene, kabili nefyo calandilwe. Kabili inshita shimo cilantinya, Shikulu. Kabili Nde—Ndasunguka ifyakucita.

<sup>56</sup> Nomba Ndasenda Baibele no kubelenga mulya ifyo Esaya afwile aumfwile bulya bushiku mwi tempile, ilyo amwene balya ba Malaika, nafimba amapindo pa makasa Yabo. E mulandu wine alibilikishe ukutila, “Akalanda kuli ine! pantu amenso yandi na yamona ubukata bwakwa Shikulu.”

<sup>57</sup> Kabili cali ni lilya ilyo kasesema abilikishe: panuma ena awamishiwa mwi tempele, ilyo Malaika asendele ulumano no kubuula ilasha lyaa Mulilo no kulibika pa milomo yakwe; panuma alandile ukuti aali umuntu wa miliomo yabipa, nokwikala pamo, pabantu ababipa. Lelo, aali ni kasesema. Malaika asendele ulumano nokubika ilasha lya Mulilo pamilomo yakwe nokumuwamya, nokutila, “Nomba kabiye, kaseseme.”

Shikulu Lesa, Esaya ali lilile, “Ine Ndi pano, Shikulu. Ntumeni.”

<sup>58</sup> Ilyo, Atile, “Ninani alatwilako?” Kuli ilya iibifi kabili nkulo iya bucende!

<sup>59</sup> O mwe Lesa, lekeni cibwekeshiwepo nakabili. Lekeni cise nakabili, O mwe Shikulu. Tumeni Mupashi wa Mushilo no Mulilo wakuwamya. Pantu, Ndeyebelera, Ndi milomo iyabipa, kabili njiikala muli ili sonde pano pamo nabantu ababipa. Kabili tuli ababipa ku cinso Cenu, Shikulu. Lelo, oh, tumeni amaka aya kuwamya, u Mupashi wa Mushilo! Tuwamyeni, Mwe Shikulu. Wamyeni umubomfi Wenu, Shikulu.

<sup>60</sup> Kabili nomba landeni, Shikulu. Umubomfi Wenu alekutika. Ndefuluka ukumfwa lilya i Shiwi. Ndi Wenu. Momfyeni, Shikulu, munshila Mwalamona, ilyo Nalalambalala palwandi pa cipailo Cenu. Lekeni u Mupashi wa Mushilo ungwamye, Shikulu; nokusuba nokutuma, Shikulu, nga Mulefwaya umuntu umo ukuya, nga cakuti ino ni ora kabili ino enshita.

<sup>61</sup> Nshi—Nshishibe, Shikulu. Na—Nalishibafye ukutila Nalimona balya ba Malaika. Kabili Mwalishiba ukuti filya fintu fya Cine. Kabili Napepa, Shikulu ukuti, “Akalanda kuli ine,” eico ngafwilisheni.

<sup>62</sup> Kabili nomba paleni aba bantu. Kabili tuli pano ileelo, pabushiku bwakuti masoshi kusefya kwa kufyalwa kwakwa Shikulwifwe. Tulepepa ukutila Mwalatwafwilisha.

<sup>63</sup> Kabili muno lucelo, umubomfi Wenu, Munyina Neville, omfwile ukuti limbi kuti caba akashita kakuti atuusheko pakashita akanono, kabili Ine ningalanda. Kabili Nde—Ndepepa ukutila Mwalangafwilisha nomba.

<sup>64</sup> Pali abantu pano, Shikulu, kabili naifwe bonse, tulekabila Imwe. Eico tulepepa nomba ukutila Mwalatupala ilyo tulebelenga i Cebo Cenu no kutonda pa kashita akanono. Lekeni u Mupashi Wenu wise pali ifwe, Shikulu. Kabili tusambeni nokutulenga ukwaka u Mulilo, na Mupashi wa Mushilo, ne Mbila yakwa Lesa, abapya ukufuma ku cipailo, ukusunkanya icalo icilefwaya, ilyo Lesa wa Muyayaya talaisa. Pantu twalomba ici mwi Shina lyakwa Yesu, u Mwana Wakwe uwatemwikwa, kabili Kapusussha wesu. Ameni.

<sup>65</sup> Nomba Ndefwaya ukuti mubike amano yenu ku Malembo yamo pano, notwalembwa, uto Nembele.

<sup>66</sup> Kabili Nincetekela ukuti, Doc, nangu Billy, nangu umo muli bena alinjebela ukuti, balefwaya ukufumako bwangu, pamulandu wa bana abanono. Nababakwatilako ifyabupe.

<sup>67</sup> Mwebana abanono abafumine kwisukulu lyapa Mulungu, mu—mubefye panopene, pakashita akanono. Ifyo tulelanda kuno kuti fyaba ifyashikako kuli imwe, lelo mwi—mwikalefye tondolo nabamayo nabataata, pali ba miniti abanono. Ndefwaya ukulanda nabena.

<sup>68</sup> Nomba, mulya mu Malumbo, Amalumbo 89, Ndefwaya ukubelenga versi imo nangu yabili, iya Malumbo 89. Nalaesha ukubelenga iya 50, 51, na versi ya 52 iya Malumbo 89.

<sup>69</sup> Nomba, bushe muleumfwa ukufikafye kunuma uko, cilifye bwino? Nga kuti mwacita, imyeni amaboko yenu. Eico Ine . . . Ni cinshi i . . . Bushe fyonse ifyakupisha amashiwi kuno nafyaka? [Umo muntu atila, “Nshishibe.”—Kale.] Bushe *iyi* yabapo bwino, nangu *iyi*? *Iyi* ine? *Iyi* ine? [“Aya yabili pambali nayaka.”] Apa pene, *aya* yabili pambali? [“*Iyi* imo, *iyi* imo, kabili *iyi* imbi.”] Cisuma.

<sup>70</sup> Nshishibe nga cakuti babbika *iyi* pali tepu nangu iyo. Ulifye musonkano wakupumikisha luno lucelo.

<sup>71</sup> Lelo mwilabako nomba, mukete abanenu bonse. Kabili Nde—Ndefwaya mube abashininkisha, mupepi, mukeshe ukusangwako kukulongana kwa pa Mulungu uleisa.

<sup>72</sup> Bena nombaline bakapwisha ichalichi kuno lubali, Ndemona. Kabili Nka—Nkabwela nomba palwa ici, ukushimikila Ifikakatikilo Cine lubali, nga cakuti cikaba ubufwayo bwakwa Lesa, ukufuma mu Malembo aya.

<sup>73</sup> Mwi Buuku Iya Malumbo, chapitala 89, ukutendeka na versi ya 50. Umfwikisheni ukubelenga kwa Cebo nomba.

*Ibukisheni, Shikulu, umusebanya wababomfi benu; uyo Nasunga pacifuba candi umusebanya wa babulamba abantu;*

*Ifyo babomfya aba balwani pakusebanya, O mwe SHIKULU; ifyo babomfya ukusebanya intampulo shabasubwa benu.*

*Abe uwapalwa SHIKULU umuyayaya. Ameni, kabili Ameni.*

<sup>74</sup> Ndefwaya ukulanda na imwe pa nshita inono palwa... Ndefwaya musope ico, pakubala, nokubelenga ico imiku nemiku, bwino bwino. Limbi kuti casenda ukubelenga nakabili ino ine nshita. Kutikeni nganshi nombamba. Mwamona?

*Ibukisheni, Shikulu, umusebanya wa babomfi benu; uyo Nasunga pacifuba candi umusebanya wa babulamba abantu;*

*Ifyo babomfya abalwani pakusebanya, O mwe SHIKULU; ifyo babomfya pakusebanya intampulo shabasubwa benu.*

*Abe uwapalwa SHIKULU umuyayaya. Ameni, kabili Ameni.*

<sup>75</sup> Cisambilileni Cena bwino bwino, nga fintu Davidi acilandile. Ndefwaya ukubomfya ngecakubelenga... Caliba iceni, nga cakuti ukubelenga kwa Ciminshiminshi nakabili; lelo ilyo Nashimikile pa Mulungu wafuminepo pa cakubelenga iceni. Nindaba ifyo cali nombamba. Cali ni... [Munyina atila, "Isonde Nalyakanikanamo."—Kale.] Amuti? ["Isonde Nalyakanikanamo."] Ukupona: Isonde Nalyakanikanamo.

<sup>76</sup> Nombamba Ndefwaya ukubomfya nga icakubelengapo, uno Mulungu: *Umusebanya Pa Mulandu Wa Cebo*. Nombamba lekeni mbwekeshapo nakabili, bwino bwino. U... *Umusebanya Pa mulandu wa Cebo*.

<sup>77</sup> Lesa alikwata inshita, no umulandu wailya nshita, mukufikilisha Ifyebo Fyakwe fyonse. Lesa aleshiba bwino bwino ifyo Ali nokucita. Ifwe tatukata. Tufwile ukucipokelelanye nga fintu Atupela. Lelo, Alishiba, kabili takuli icili nokulubana pafya Ena—Ena apekanya ukucita. Conse cifwile ukucitika. Kufwile kwaba, limo limo, ifyakalabana kabiliifintu fyakosa, pakuti kube ukuleta iituntulu, iyacine imibele yacintu.

<sup>78</sup> Namwishiba, imfula ifyalwa mufitunga, ifyakalabana, umwapita ukubyasha, ayafibulukuto imyulu. Kabili nga tattukwete imfula, ifwe teti tube nomweo. Lelo mulemona ifyo cena cisenda pakuleta imfula? Ifibulukuto, ukubyasha, ifyakusanika, ubukali. Kabili ukufuma muli ifi mwisa imfula.

<sup>79</sup> Ulubuto lufwile ukufwa, ukubola, ukonaulwa, ukununka, nokubwekela mulukungulwa mwisonde, pakuleta umweo upya.

<sup>80</sup> Cisenda ukutwa kwa golide, ukupilibula kabili ukupilibula, ukuibwekesha kunuma kabili ukuileta kuntanshi, kabili ukutwa mpaka ifiko fyonse fyafumishiwamo muli yena. Tepamulandu yena ilabeka, pantu icela cabeka icamutuntula, icaishibikwa nga golide yakubeleleka, ibeka nga golide yacine. Lelo, bikeni yonse ibili pamo . . . mwaibika yonse pambali, teti mumonepo ubupusano, lelo fibikeni capamo, imwe kuti mwalanda cena. Kabili nakoma lyonse afwile ukuma mpaka ena—ena icimonwa cakwe calangishiwa muli golide.

<sup>81</sup> Kabili Lesa alabika inshita kabili alakwata ubwiminishi pafintu fyonse ifyo Acita. Takuli icicitikafye mukukana ishiba kuli abo abatamwa Shikulu kabili abetwa ukulingana nobwite Bwakwe. Mwamona? Ifwe twalilingilwa kabela. Kabili ifintu fyonse fibombafye bwino, pali cilya, pantu Ena tekuti abepe. Kabili Atile eflyo cali, ukutila icintu conse calikwata inshita, inshita yakupilibuka, kabili yalikwata inshila yaiko. Kabili Lesa aba kunuma yacilecitika conse. Kabili inshita shimo mulatontokanya ukutila ifintu fyonse filelubana. Cili kuli ifwe. Ifyo fintu fibikwa pali ifwe, ifyakwesa nefyakusunguka. Kwesha, ukumona ifyo twingacita pafyakucitika ico.

<sup>82</sup> Munshiku shapita mu, kumulu ku Vermont, Munyina Fred na Ine twaile kulya lubali ku New York, ukutoloka Bemba wa Champplain, kabili twaliile kulubali lwa New York. Kabili Nalile pamulu walupili palya apo lulya, pamulu wa Lupili lwa Hurricane, uko Nalelunga. Kabili kulya ndeibukisha iyo Nalubile, kabili ifyo Lesa antungulwile ukubwekela, ku Mupashi wa Mushilofye weka, ukupita mumfula ya mwela. Ukuti, Ine nga nalifwile, ukuloba, kabili nomukashi wandi na Billy, panshi pankambi iinono intamfu bamailoshi. Kabili bali Mpilibwile.

<sup>83</sup> Kabili kwali imfula yabuta iyo twapitilemo, ukwingila munkambi, muktampa kwanshita yafimuti iyo fitumba amabula. Kabili Naiminine palya ndelanda na Munyina Fred, kabili Mupashi wa Mushilo watile, “Fuma kunse ube weka.” Kabili Nalifumine nokuya mumpanga pakashita akanono, kuncende. Anjebele ukutila, “Kuli iciteyo eco bakuteyele. Ube uwacenjela nombamba.” Lelo Tanjebele munshila nshi, ifyo cili. Nalibwelele nokweba Munyina Fred.

<sup>84</sup> Naile kuchalichi lilya mu bushiku mu cikulwa, nokucibilisha kubantu. Kabili inshita ya bushiku ubwakonkelepo calicitike. Kabili iyo naiminine palya iyo Anjebele, pali bamo bakapumya, Atile, “Cili mumaboko yenu. Citeni nabena. Conse ico mwalasosa, cili nokucitika inoine nshita.”

<sup>85</sup> Nifyo fine. Uko, umuntu umo uushikwete incito, ababulalesa, kabili balepanga imipulwe no kushenteka mukulongana, umulumendo no mwanakashi uwacaice. Kabili alefwaya ukupanga ifyamuselu ifya-citemwiko naena

mucikulwa; kabili bonse batampile ukulolesha, ilyo Naleesha ukushimikila. Nokutwala umutwe wakwe kunuma nokunina pa mol yakwe, kabili ukutwala umutwe wakwe kunuma nokweshwa ukumutomona, kabili ukutwalilila nga filya mukulongana, ukulenga abantu ukuposa amano kuli bena.

<sup>86</sup> Kabili Mupashi wa Mushilo atile, “Nomba ena ali . . . Bena bali mumaboko yobe. Cinshi ico uli nokucita na bena?”

<sup>87</sup> Kwali ukuba tondolo ukwamushilo. Bonse baikele tondolo kwati nimfwa. Kabili Natontonkenye ukuti, “O mwe Lesa, nifinshi Nalacita?”

<sup>88</sup> Elyo Ndeibukisha, nga tacali ukusoka kwa Mupashi wa Mushilo, inshiku shibili ilyo tacilacitika. Natile, “Ndi nokukubelelo luse.” Nomba, cilya eco Alefwaya ine ukusosa. Mwamona?

<sup>89</sup> Pantu, nangu cingaba, Na—Nali nomulandu, limbi tepalwaico. “Kabili ukuba nomulandu wakanono mulandu muli conse.”

<sup>90</sup> Eico Natile, “Nakubelela uluse.” Nomba pali bakombone abekele pano nomba, epo baali nalilyaline. Nomba u Mupashi wa Mushilo waponene.

<sup>91</sup> Nomba, mulemona, Ndecetekela ukutula fyonse ifi fintu fyalikwete ubupilibulo. Nicinshi ico mwingacita namaka? Kuti mwacita shani, mwamona, ukucita icintu ukufuma mumericitile icicitike? Ico icishile nga icakupanga, nomba kuti wacita shani kumericitile iyo? Bushe muleumfwa ico Ndepilibula? Cinshi ico mwingacita? Kabili nalimo fyonse ifi nafibomba ukulingana apo tubelele nomba. Nshishibe. Ine—Ine teti nandefye. Lelo inshita yonse kwalibako inshila imo . . .

<sup>92</sup> Kabili ibukisheni ukutula, umusebanya wa—wa Cebo nau . . . I Cebo lyonse calisenda umusebanya. Munshita shonse, i Cebo cakwa Lesa icasubwa lyonse cilasushiwa. Kabili ulya emulandu wineabela icakosa nganshi kubantu abo abashailuka, ukuti baishibe ifya kusumina kuli kulya ukusebana.

<sup>93</sup> Bushe muleibukisha abasambi ukubwelelamo kabili ukusangalala pantu balilwike ukutula balipendelwe abalinga ukushipikisha mui uku ukusebana kwe Shina lyakwe? Atile, “Bonse abo abekala aba bulesa muli Kristu bakaba abapakaswa,” ukusebana ukwa Cebo.

<sup>94</sup> Imwe lyonse mulingile ukushipikisha muli uku ukusebana pakutula mwingapela ukweshiwa kwenu, ukumona. Umuntu onse uyo uwisa kuli Kristu afwile abalilapo ukusambilishiwa—kwa bwana, ku—ku mulimo untu Lesa amulashikileko. Kabili ibukisheni, nga kuti mwabafye tondolo! Ibukisheni, nga cakuti Alimitila kuli ici, tapali icingalesha ukuti cicitike. Takwaba ifiwa ifyalinga mukucushiwa, kano ifyo i Cebo cakwa Lesa cikalengwa ukumonekela. Mwalifyalwa pa mulimo umo, kabili

tapali nangu umo uwingasenda icifulo cenu. Limbi kuti mwakwata bakapashanya nefintu fimbi ifyashala, lelo bena tabakatale abasenda icifulo cenu. Nacilungama. I Cebo cakwa Lesa cikacimfya. Tekuti Cifilwe. Apo epo umwina Kristu onse afwile ukwiminina, ukwishiba cilya—cilya. Kabili amesho yakesa, kabili yakamoneka kwati yalefuma kumbali conse, kuli iwe. Lelo ibukisha ukuti, Lesa alikwata ubwiminishi, kabili fyonse fikesa bomba mukulungama.

<sup>95</sup> Nomba natuyefye kunuma ku—kufyampendwa ifyalecitika uko i Cebo cakwa Lesa calefikilishiwa, kabili kuli abo abasendele i Cebo mu nkulo shabo.

<sup>96</sup> Na—Nacumfwa mu Mupashi, tapapitile inshita iitali, ukuti umuntu umo alensusha. Limbi kuti caba kuli abo abomfwa kuma tepu. Lyonse ukusontelela nganshi, ukuya kubantu bamu Baibele pafu Ndelanda. Ukuba, Incitila ico pabwiminishi bumo. Baibele itila ifi fintu fyalilembwa pakutila twinga fimona. Kabili iyo enshilafye, ukwabula amasambililo, enshilafye Ningacitilamo, kusontelela kunuma nokutila, “Mulemona apo *ici* ciminine, ico cacitike na cena, *uko* ici cimo cacitikile.” Mwamona? Kabili elyo mulaibikafye mwebene mulya.

<sup>97</sup> Ngefyo Naleshimikila, tekale sana, pa mulumendo umunono mulya mubwato, namwishiba, kabili—kabili kapitao umukote alefwa. Alilwele. Kabili aipwishe nga cakuti palipo Baibele pabwato. Kabili ba mwene umulumendo umunono uyo wakwete Baibele, kabili abelengele Esaya 53:5. “Alashilwe pamembu shesu, acenenwe pa mampulu yesu.” Kabili atile, “Lekeni i . . . Leka nkwebe, kapitao, ifyo bamayo balebelenga ici.” Atile, “Iyi enshila bacilembemo: ‘Alashilwe pamulandu wamampulu yakwa Willy Pruitt. Kabili Akalipilwe pamulandu wakwa Willy Pruitt. Nefintu fyonse ifi efo Acita, fyali fyakwa Willy Pruitt.’” Ilyo elyali ishina lyakwe.

Kapitao umukote atile, “Nacitemwa ico. Bushe kuti wabelenga ishina lyandi pali cena?”

<sup>98</sup> Atile, “Nalaesha.” Kabili atile, “Alashilwe bamembu shakwa John Quartz. Acenenwe pamampulu yakwa John Quartz. Kabili namufilaso Fyakwe emo John Quartz apolele.”

Atile, “Nacimona.” Kabili Shikulu alimundepe. Mwamona?

<sup>99</sup> Belengeni ishina lyenu muli cena. Ena alashilwe pamembu yakwa William Branham. Ena alashilwe pamampulu yakwa William Branham. Alicicitile cilya kuli ine, kabili Alicitile cilya kuli iwe. Belengeni ishina lyenu muli cena.

<sup>100</sup> Ukuba, iyo enshila Natemwa ukuletelamo Amalembo ku bandi—ku bandi abantu, efintu Acitile kumuntu umbi uyo uwa Munakile. Ifyo Acitile kumuntu umbi uwali uwacishinka ku Mulandu, kabili ifyo Acitile ku muntu umbi uyo uwakene ukuba uwacishinka ku Mulandu, nomba iwe kubelenga ishina lyobe muli cena. Nga cakuti eko wali nga bwiminishi bwashani

wapangile? Kabili ibukisheni, namukwata ishuko, ileelo, ukukwata ubwiminishi bumo bwine.

<sup>101</sup> Ilyo, Noa, pakusebana kwa Cebo ico Lesa alandile kuli ena. Noa, kwaliko umusebanya. Noa aikele munshita ya scienci, uko kwali imicitile iyatunguluka iyafya scienci iyo balepanga, ifyo fyali ali ifyasilapo pafintu ififyonse ifyo ifwe tupanga ileelo. Balisalapwikepo, nokukwatapo amano. Scienci yabo yalifikilepo apatali, payesu. Kabili ibukishenifye ukutila, ena alingile ukushipikisha muukusebana kwa Cebo ico ashimikile, imyaka umwanda umo na makumi yabili, pacinso cabakapumya. Inshila shabo ishikalamba isha scienci shashininkishe kuli bena ukutila takwali imfula mummyulu. Lelo, nomba, Noah alyumfwile i Cebo cakwa Shikulu, kabili Cena cali icapusanako kumano yabo aya Ico. Eico, ilyo ubumi bwakwe tabulapusushiwa, afwile ukwiminina pacinso nokushipikisha umusebanya untu aba bakapumya balemusebanya nao.

<sup>102</sup> Oh, takuli ukutwishika ukutila, bena baleumfwila ubulanda ulya kashimikila umubusu umukote. Tabamufumishepo nangu icintu icili conse, pantu nalimo tamwali amayanda ayengi aya ulya musango muli bulya bushiku. Taali uwakuleta ubusanso. Taali nokucena umuntu uli onse, eico bamulekelefyeye ukuti abe eka. “Twalililapo, cipena umukote pamulu palya pambali ya lupili, alekula ubwato ukutali kulya ukushaba amaenshi. Oh, ukuba, wemukobe umubusu we! Lelo,” kabili nokutila, “nikwisa uli nokusanga amenshi yobe, apakuti ubwato bobo bukaleelela, Noa?”

“Yena yakafuma mu myulu.”

<sup>103</sup> “Ifyabula amano. Kuti twatuma ku mweshi nentanda, notulimba utwakupiminako,” fyonse ifyo bakwete. “Takwali imfula kulya kumulu.”

Lelo atile, “Leso atile Ali nokubikamo yamo pamulu palya.”

“Musangonshi Ena ali nokucicitilamo?”

<sup>104</sup> “Ulya mulimo Wakwe. Icintufye cimo ico Ningile ukucita kumisoka ukufuma muno.”

<sup>105</sup> Cilifye umusango umo wine nanomba. “Nikwisa umulilo ulefuma?” Munyina, cena cilifye icatambalalako ileelo ukucila ifyo cali panshita yakwa Noa. Ifwe kale kale natumona apo ubelele. Uwaipekanya ukufyampuka, epela. Scienci kale kale yali. . . Takuli icakuleshamo pali ino nshita, nakalya, pantu scienci yaliusanga kale. Ee, mukwai.

<sup>106</sup> Eico nomba tulesanga ukutila cilya cali icintu cimo icakupapa. Eico baumfwilile ubulanda kashimikila umukote umubusu, nokumulekafye. Cali icintu iceni, nalimo, kuli balya bantu, ukutontonkanya ukutila umuntu uwalingile ukuba uwamano, ewinga cetekela ukutila Lesa, Kabumba wamyuulu nesonde, kuti acita icintu cimo, nangu ukusosa icintu cimo



ico Aali nokucita, ico cali icapusana nenshila yabo iya kutontonkanya, ifyo bakwete. Limbi tamucumfwile. Moneni. Cali. . . Batontonkenye ukutila kuti bashininkisha icintu conse ica cifyalilwa kuli scienci yabo. Nga cilya tecipasho cesonde ilyo twikalamo ileelo, ilyamano, isonde lya masambililo ilyaisulamo scienci! Kabili icintu conse ico bengashininkisha, cilya cali icalubana, Lesa. . . “Takuli Lesa uwingalanda icintu ico (cali) scienci teti ishininkishe ukutila tacabapo.”

<sup>107</sup> Nomba, bakwata itontonkanyo limo line ileelo. Nga cakuti dokota obe alanda ukuti naukвата impwalonda, uli nokufwa, kabili scienci yashininkisha ukutila walikwata ipwalonda, kabili yaifika apatali, kukana kwata amano ukutontonkanya pali fimbi ifyapusanako, pantu iwe uli nokufwa; epela. Scienci isoso ukutila uli nokufwa. Bali kupima, kabili cilya empela ya fyonse. Uli nokufwa. Kabili batontonkanya ukuti kufulungana nga waesha ukusosa ukuti Lesa alaile ukucicita. Mwamona, ngefyo cali, ulingile ukushipikisha muli kulya ukusebana.

<sup>108</sup> Batila, nga cakuti dokota alanda apa ukutila, “Twalikubebeta nepwalonda nalifika apatali. Twalikwisula. Naisalangana mumubili obe onse, namumutima, ukupita muli bapwapwa, ukupita mulibu, monse monse. Tacingacitwa.”

Eico, mwamona, ilyo mwatila, “Lelo ena ali nokuba nomweo, nangu cibe fyo.”

Batila, “Ukuba, umuntu umubusu, mulekenifye eka.”

<sup>109</sup> Ndeibukisha inshita ya bushiku. Bill Hall, Munyina Hall kulya ku chalichi cakuva Milltown, mwebengi muleibukisha umulandu. Kabili ilyo ena. . . Balinjitile kulya. Umukashi wandi, ba-mayo-fyala, na Ine, twalile kulya. Aupile umukashana uwali nkashi, Ndecetekela, kuli George Cupp, aali ni mwinemushi wa musumba, nangu kapingula kuno. Ena. . . Uyo ewali mulamu wakwe. Bamuletele kuno mukufwa. Dokota waku Milltown, dokota aku New Albany, bamupimine ubulwele bwakwe nga ipwalonda lyaku libu. Eico Naile kulya mukumona Misisi Hall. Kabili alikwete na bulwele bwa nkanda ukumoneka iyamutuntula, kabili alemoneka uwamutuntula umubili onse. Kabili Natile, “Ukuba, Ndemona ali nokufwa.” Kabili Natile. . .

<sup>110</sup> Atile, “Munyina Bill, bushe kuliko inshila ili yonse iyo iya kwata. . . Bushe kuti waumfwa ukufuma kuli Lesa?”

Natile, “Nshi—Nshihibe, Nkashi Hall. Nalapepa.”

<sup>111</sup> Nalipepele. Kabili Nokubwekela kung’anda, kabili Shikulu talandile nangu cimo kuli ine. Nomba Nalibwekelemo, ubushiku bwakonkelepo, kabili Nalipepele nakabili.

Kabili atile, “Bushe walishibako dokota uwacenjela?”

<sup>112</sup> Natile, “Ukuba, doctor wesu uwa mulupwa ni Drokota Sam Adair, muno mu Jeffersonville. Ena—ena—ena. . . Bawishi ebali ba dokota besu abalupwa. Umulumendo Sma na Ine twaliba

bacucibusa abapamutima, kabili twaile kusukulu panshita imo ine, twakushiwe capamo. Lyonse tulaya kuli ena ilyo icintu conse calubana.”

Atile, “Ndetonkanya, nga kuti aisa monako Bill Hall?” umulume wakwe.

Natile, “Nalamwipusha.”

113 Ukuba, Sam atile kuli ine, atile, “Billy, nga doctor alisosele ukuti alikwete impwalonda,” atile, “kulifye icintu cimo, ine ukucita, Ndi nokumutuma kumuntu umo uyo uli uwacenjela ukucila ifyo Naba, uwakanshiwa bwino. Kabili tuli nokumukopa; kabili tatwakatwalilile ukumucusha.”

114 Twalitumine ku New Albany nokupoka ama ifikope ukufuma kuli dokota kulya. Twamutwele ku Louisville nokuya mubebeta, ukumuninika muli ambulansi, kabili ukumubweshwa.

115 Ukuba, nge fyofine, tekuti asose kuli ba Misisi Hall ifyo ubwafya bwakwe bwali, eico anjatile. Atile, “Ali nokufwa,” atile, “cibusa obe kashimikila.” Atile, “Uwakanshiwa mu Louisville acintumina lamya, kabili atile, ‘Ifyo basangile kuli badokota bapele mu—mu . . . ku Milltown; kabilina dokota, ku New Albany; nabapela ukusanga ukwalungama.’” Kabili atile, “Lipwalonda lyakulibu, kabili nalifika apatali. Kabili, Billy, teti tufumye ilibu nomuntu aba nomweo.” Atile, “Ali nokufwa. Kabili nga ena nikashimikila, alingile ukuba uwaiteyanya.”

116 Natile, “Ilyo telipusho. Nomba tacilile imyaka yakufyalwa amakumi yasano-na isano, eico acili nomweo uwingi muli ena libe, uwakushimikila.” Kabili Natile, “Ukuba, nga ena ali nokufwa, ninshi umulandu wapwa. Natotela, Dokota Sam.”

117 Kabili Nalile nokuya itila Misisi Hall panse, kabili Namweba. Natile, “Misisi Hall, Sam atile ukufwailisha kwa ku Louisville kulya kwali cimo cine nga filya cali mu New Albany na Milltown. Umuntu alefwa. Munyina Hall ali nokufwa. Kabili nakwata ipwalonda mulibu, nalifika napatali.”

118 Kabili eico atampile ukulila. Nalipilibwike, ukupepa nomulume. Kabili umweo wakwe wali ninshi nauya ukutali, lilya, icakuti taishibe ukutula Nali mumuputule.

119 Eico, Nalibwelele. Kabili abantu abengi bali mu nganda, muli shilya inshiku. Tamwaali naumbi umuntu mwibala. Tamwali ifisoso ifingi, kabili abantu balefuma konse konse.

120 Nalefwaya ukutushako panono. Eico Nalngilemo, naishilebuka ulucelo celo sana, nalimo tuu-sate, nangu fili koloko. Munyina Wood tafuminemo mumusebo iyo nshita. Kabili Nalolekeshe mumusebo, kabili takwali nangu umo kunse kulya, eico Nasendele akasote kandi akakale nokwingila mumuputule wakatushishamo, nokusenda imfuti yandi iyakulungilamo .22. Kabili Nali nokufuma nokuya mukulunga utupale, ukufika nalimo eiti koloko, kabili nomba ukulambalalako pa

cimuti pancende imo nokuesndamako utulo panono. Nalefilwa ukusendama kung'anda.

<sup>121</sup> Naishilebula icisote candi nokutampa ukwenda mumuputule. I apo lyakobeme kucibumba. Kabili lyali i—ilyakoweshiwa nganshi iapo. Lyali ilyalikwa-kumyambo, kabili lyali ilyakakwa kakwa, kabili lyalikwete amapompo konse konse. Kabili Natontonkenye ukuti, “Mulandunshi Meda acikalikila lilya pa cibumba?”

<sup>122</sup> Kabili Namwene, nakabili, kabili talyali pacibumba. Lyalepelela mulya mulwelele. Naishilefulako icisote candi icakale, nabika mfuti mucifutu, nokuwila pamakufi yandi. Natile, “Shikulu, nifinshi ifyo Mulefwaya umubomfi Wenu ukwishiba?”

<sup>123</sup> Nalimbi lyaikile panshi, nalimbi lyaikile panshi mpaka nalimo yane nangu ama apo yasano (Nindaba nomba ifyo cali) yakobeme palya. Nomba ilikalamba ilikulu, ilisuma iapo, nemishilwa muli lyena; ilikalambafye, ilyamoneka -nobumi ubusuma iapo, lyaikile panshi nokulya aya yambi aya-liwa ama apo. Kabili Atile “Ima. Iminina pamakasa yobe.” Atile, “Kabiye, kebe Bill Hall ukutula, tali nokufwa. Ali nokuba nomweo.”

<sup>124</sup> Oh, Nalibutwike ukufika epo Ningapela, kabili Natile, “Misisi Hall, Ninkwata EFYA SOSA SHIKULU. Ali nokuba nomweo.” Kabili alingumfwile. Kabili aleesha ukulila, kabili alilekele ukulanda.

<sup>125</sup> Naishilebwela nokutumina lanya Sam. Kabili Natile, “Sam, munyinefwe—munyinefwe ali nokuba nomweo.”

Atile, “Kuti aba shani nomweo filya ali?”

<sup>126</sup> Natile, “Ico tecandi ukwelenganya. Lesa efyo acisosa. Umulandu naupwa.”

<sup>127</sup> Ena ali uwamweo ileelo. Cilya cali nalimo imyaka ikumi iyapitapo. Uwamakafye nobumi ubusuma. Umukashi wakwe alifwa nomba. Ena alyupa nakabili.

<sup>128</sup> Musangonshi cili nokucitika kuli George Wright, kabili nabambi abengi kuti twasosa, abo twingeta? Nicinshi cena? Cena kushipikisha mukusebana. Bena balaseka no kushenteka.

<sup>129</sup> Ndeibukisha ilyo takulaba iya mu '37 ilyeshi. Naiminine palya naba Falls City Transfer Compony, kabili nalebeba palwa, kwali nokuba ama fiti amakumi yatatu na-fibili, Ndecetekela cali, mu Musebo wa Spring. Balinsekele. Batile, “Billy Umubusu. Ndeelenganya ena... Ulya umwaice!” Nalifye umulumendo kuli bena. Atile, “Billy mwana musuma. Cansoni ukuti alisakanishiwamo nefintu.” Ine nshasikanishiwe. Nalibatishiwe *muli*, tekusakanishiwa. Nali “mo.” Kabili cacitikefye muli ilya ine inshila.

<sup>130</sup> Ukutula ilyo Nacilalanda, Nacimona Nkashi Hattie Wright, Ndecetekela, ekele kunuma kulya. Aleibukisha ulya mulandu

pali Bill Hall. Bengi. Nibanga bali pano, abalipo luno lucelo, abebukisha uyu mulandu? Oh, owe! Mucine. Pali abengi.

<sup>131</sup> Nomba, bena balatumfwilako ubulanda, ukumfwa ubulanda pa muntu uleesha ukwikatilila ku Cebo, munshiku sha bakapumya. Lelo, ibukisheni, umusebanya ulingile ukwisa. Cena lyonse caba muli ulya musango. Bena limbi batontonkenye ukutila, nga fintu bacitile lilya, ukutila Lesa, panuma ya cintu icili conse icashininkishiwa na scienci, ukutila Lesa tekuti alande icintu icili conse ico cisusha science. Ukuba, cilya ecilenga Ena ukuba Lesa. Nga cakuti Aknkelefyeye inshila ya scienci, ninshi teti cicile pafyo umuntu yawe yawe enga tunguluka. Lelo, Ena ni Lesa. Ena ni—Ena ni Kalenga wa scienci. Ena kuti acita ifyo Ena alefwaya ukucita.

<sup>132</sup> Bena batontonkenye ukutila, “Umubusu Noa umukote, ukuba, mulekeni umwaume umukote abe eka. Alepuswako ku mangalo yonseayo tulekwata mmuli ishi nshiku, eico mulekeni abe eka.” Cabafye cimo cine nanomba.

<sup>133</sup> Lelo, nomba, Ndefwaya ukulanda icintu nacimbi pano pene. Nomba, tulelolesha kunuma nokukumbwa icitetekelo cakwe. Lelo Ndasunguka, nga cakuti twalikele muli bulya bushiku, bushe nga twalikwete ubwiminishi bumu bwine ubo Noa asendele? Bushe kuti twaba abalinga kabili abafwaisha ukushipikisha pamusebanya uwaleenda ne Cine? Ilyo, pamamillioni yali mucalo lilya, kwalifye Noa nolupwa lwakwe abaiminine ne Cishinka. Bushe walitontonkenyepo palwa ico? Ukutila ati umwaume nabana bakwe batatu, naba pongoshi bakwe, nomukashi wakwe, ebaimininefyeye ne Cine. Lelo balikwete EFYA SOSA SHIKULU. Tulelolekesha kunuma no kumukumbwa. Bushe kuti twatontonkanyapo nakabili?

Mfwile naangufyanya kumulandu wafyabupe fya aba baice.

<sup>134</sup> Abrahamu, ishiwi ilya *Abrahamu* lipilibula ati “wishi wa bengi,” ukumulenga ena “wishi uwa nko.”

<sup>135</sup> Nomba, Abrahamu alyumfwile i Cebo cakwa Lesa. Abrahamu aali ni kasesema, kabili ena aumfwile i Cebo cakwa Lesa. Kabili ifwe tulakumbwa Abrahamu paukwikatilila kwakwe ku Cebo cakwa Lesa; ifyo ena aipatwile umwine ukufuma kuli balupwa bakwe; ifyo cali icakosa kuli Abrahamu. Ena akulile kulya. Ifyo aishile ukufuma ku Babele, kabili—kabili alile kulya kucalo Shimar naba—naba—naba Kaldi, mumusumba wa Uri, uko fyonse ifibusa fyakwe, abantu bakwe, nabonse abo aleya ku chalichi nabo, nefintu fyonse. Lelo Lesa atile, “Ipatule we mwine.” Oh, owe! We cintu cabipa ico cali, ukusha fyonse ifyo atemenwe, ifintu fyonse ifyali ifituntulu kuli ena, ifyo atemenwe. Kabili Lesa alimwebele ukuti, “Ipatule we mwine.”

<sup>136</sup> Kabili amupele icintu icaibela nganshi. “Uli nokukwata umwana ku mukashi obe.” Kabili aali amakumi cinelubali-

na isano, kabili ena aali amakumi mutanda-na isano. Ificitika kuli banamayo fyalilekele ukucitika kuli ena, ngafintu ciba nga namayo ali nokukwata abana, pa myaka. Kabili apa, panuma yakwikala naena ukutula ilyo ali umukashana, pantu ena ali ninkashi yakwe citika, kabili nomba musangonshi ena engatala aleta ulya mwana? Kabili nomba kuti watontonkanya Abrahamu aleya pabanankwe, aletila, “Ifwe tuli nokukwata umwana, Sarah na Ine”? Bushe kuti mwatontonkanya cilya?

<sup>137</sup> Mulandunshii, abantu batile, “Umuntu umukote umubusu, kuliko icintu cimo icalubana naena.”

<sup>138</sup> Cena kusebana, lelo Abrahamu alikatilile kuli cena. Kabili ilyo ali nemyaka yakufyalwa umwanda umo, tapempenwike ku bulayo bwakwa Lesa. Nalyo line alishipishe mumusebanya, mucine, ukwikatilila kuli cena.

<sup>139</sup> Namumona ubupusano mulya? Sara aeseshe ukupela Abrahamu, nangu apele Lesa, ntile, ubwafwilisho ubunono, umwine eka. Atontonkenye ukutula, namwishiba, ukutula, icapusanako kufyo Lesa alaile. “Nomba, namwishiba, Ndi mwanakashi umukote, lelo Hagar pano mwanakashi uwaemba. Abrahamu teti asakamane ukumupa, pamo. Eico, namwishiba, cilya cili—cilya cili nokwafwilisha Lesa. Ico cikafwilisha Lesa, pantu Hagar, ena, limbi alifye nemyaka amakumi yabili iyakufyalwa. Nicishiko wandi. Kabili namwishiba ifyo Ndi nokucita? Nkamupela kumulume wandi, akabe umukashi wakwe,” pantu impali shalishuminishiwe. Eico atile. . . “Nalamupela, kabili ali nokukwata umwana kumulume wandi, elyo kabili Ndi nokusenda akanya. Kabili ulya emuntu, Lesa alaile.”

<sup>140</sup> Mwamona, lyonse tulesha ukucita icintu cimo; tulafilwa uku Mulolela. Tufwile ukucita icintu cimo, palwesu fweka. Limbi califye bwino. Limbi aali umusuma. Kuti camoneka icisuma nganshi, lelo tacali ukulingana ne Cebo. Lesa aebele Abrahamu ukutula umwana akesa ukupitila muli Sarah.

<sup>141</sup> Muleibukisha ifyo Asosele palwa Mukuni unono? “Ifi fishibilo fikakonka abo abacetekela.” “Nga fintu cali munshiku shakwa Noa, efyo cikaba napakwisa kwa Mwana wa muntu, uko abanono, cine konse imyeo, yapuswike.” Filya Fyebo tekuti fifilwe, eico lekeni tuicefye fwebene bwino bwino nokwikala ne Cebo. Cisuma. Mwamona?

<sup>142</sup> Abantu lyonse baleesha ukupanga icintu cimo, icakusenda icifulo cabufwayo bwakwa Lesa ubwakupanga. Mwamona, nga fintu lyonse Nanda, kabili limbi kucinso ca chalichi, munshita shapita, namwishiba, tekuti mwipushe impaanga ukutula, “Bushe kuti wampangilako amasako yamo?” Iyo, teti icite cilya. Nomba, imbushi tekuti ipange amasako, pantu icifyalilwa yaiko teti ciisuminishe. Te mulandu ifyo muleesha ukubika amasako ya mpaanga pa mbushi, yena tekuti ibombe.

Imbushi tekuti ipange amasako, kabili impaanga taipanga imishishi. Lelo yena yalikwata amasako pantu ni mpaanga. Cilya eci mulenga ukuba eflyo aba. Ena tapanga.

<sup>143</sup> Tatufwile ukupanga ifisabo fya Mupashi. Tufwile ukukwata ifisabo fya Mupashi. Icimuti camaapo tacipanga amaapo; citwalafye yena pantu cimuti camaapo.

<sup>144</sup> Kabili nga twaesha ukupanga icintu icili conse ukutila, “Nalaafwilisha u Mulandu. Nalabelenga pamyaka ikumi ku seminali. Nkasambilila *ici, ico*, nangu *cimbi*, kabili nkapoke Bachelor of Art na digri yabu Dokota. Ndi nokwafwilisha Shikulu, eka.” Cena tacakabombe.

<sup>145</sup> Lesa, mukumwenwa kalibela, eta uo Engeta. Apela u Bufumu kuli onse uo Engakabila uku Bupelako. Twasambilile ico kuli Nebukadinezzali.

<sup>146</sup> Twasambilile cilya kuli—kuli Yeremia, iyo Lesa amwebele cilya, ku Cebo cakwa Shikulu, ukutila, kwali nokuba inshita iyo Israeli ali nokwisasendwa mu Babyloni pa myaka amakumi cinelubali. Kwaishile ima kasesema umbi. Alimwebele kale, atile, “Nomba, iwe uli nokukwata bakasesema, bali nokwima. Kabili ukabasenda kulya ku Babyloni, iyi kema, nabakalota, nabakasesema, icikasesema ukupusana Neci. Lelo mwebe abantu ukukana umfwa kuli balya bantu.”

<sup>147</sup> Kabili kwaishile umuntu uweshina lya—lya, umo uwa bakasesema, Hanania. Kabili iyo Yeremia aiminine kulya ne koli ilya pa mukoshi wakwe, kulya kwaishile Hanania, atile, “EFYA SOSA SHIKULU, mu myaka ibili iituntulu, ifipe fyonse ifyakwa Shikulu. . .” Nomba, mucishinka, camoneke icisuma nganshi. “Lesa ali nokupaala abantu Bakwe. Ena ali nokuleta ifintu fyonse bwino bwinofye, mumyaka ibili.”

<sup>148</sup> Kabili na Baibele yatile, nangu ni kasesema Yeremia atile, “Ameni. Ameni. Hanania, lekeni Shikulu alenge ifyebo fyenu ukufikilishiwa. Lelo lekeni tutontonkanye pacintu cimo, Hanania. Kwaliko bakasesema kunuma yesu, kabili baseseme ukususha inko ishikalamba isha nkondo, na fimbipo. Lelo, ibukisheni, kasesema eshibikwa panuma ubusesmo bakwe bwaisa citika.” Mwamona?

<sup>149</sup> Elyo Hanania aishile isa, asompola ikoli ukulifumya mu mukoshi wakwa Yeremia, pacinso yaba shimapepo nolukuta, limbi millions na citika abantu. Kabili basendele lilya ikoli iyo Lesa abikile pa mukoshi wakwa Yeremia, ku cishibilo, no kulikontola mutupimfya, nokuibika pamakasa yakwe, ukumfwa bwino, kabili atile, “EFYA SOSA SHIKULU, mu myaka ibili, bakabwela.”

<sup>150</sup> Yeremiya amuloleshefye. Caalipinkene ne Cebo, eico afuminepofye ukuya. Kabili Lesa atile, “Bwelelamo no kumweba,” atile, “Nshatala landa kuli ena.”

<sup>151</sup> Ailandilefye umwine. Atwelekofye amano yakwe. Mwamona? Ena tatalile alolela mpaka acimona mucituntulu kabili alishibe ukuti teo, ukutila ni Lesa uwalandile ico. Ena alibwelelemo, namano yakwe. Nga . . .

<sup>152</sup> Tulecisanga, mucalo monse, ileelo. Tepu yesu imo yalelila pakashita akanono akapitile mung'anda imo, uko ibuma lyaba kapyunga bali abashininwa, kabili aleisa mu kubatishiwa mwi Shina lyakwa Yesu Kristu. Kabili umuntu aishileima mumuputule, uyo walandile mundimi kabili atile, "EFYA SOSA SHIKULU. Ikatilila kufyo mwakwata. Twalililenifye, ukulaya, kabili Ndi nokumipaala."

<sup>153</sup> Batile, "Ukuba, nga Shikulu alisosele cilya, Ndemona cilya eco." Mwamona, cena tacilebebetwa ne Cebo. Cena cilingile ukusenda i Cebo, intanshi. Mwacimona ico. Cena cali icapusana ku Cebo.

<sup>154</sup> Yeremiya alibwelele, ulya kasesema uwasubwa. Lesa alimwebele, atile, "Ninjishiba ukutila Hananiah aliputwile lilya ikoli lya mbao pamukoshi obe, ilyo Nabikile, lelo Nalapanga ilyacela." Atile, "Kabili shonse ishi nko isho shaya mukubombela Nebuchadnezzar, umubomfi Wandu," kabili ali umusenshi. Mwamona? Kabili Israeli, ukusunga amalambo yabo yonse, lelo bena tabali . . . Mwamona?

<sup>155</sup> Lesa alipangile ubulayo, ukutila Ena engapaala, lelo yalya amapalo yaba pesamba yafyabikwa. Kabili mulingile ukukumanya filya ifyabikwa, ukuti fibombe.

<sup>156</sup> Nalikele, pakashita akapita, nanono, akasuma akakashana pano. Intanshi, Nalipita muli lulyo lupwa ukupita, ukumona nga kwaliko icintu cimo icalubana. Lesa ali nokundapa, lelo cena ciba pesamba lya fyabikwa. Mwamona? Icintu Nasangile, cali ukutila, nyina aletina ukuti cilubo ukunwa umuti. Natile, "Wilatontonkanya ico, nkashi. Fumya ico mumano yabo. Twalililafye nomwana. Mupeleni umuti. Lesa akalenga cilya ukwishibikwa." Mwamona?

<sup>157</sup> Nomba, lelo, icintu nici, sangeni, ukwishiba. Kabili nomba, nga cena ni EFYA SOSA SHIKULU, cisuma.

<sup>158</sup> Nomba tulesanga pano ukutila, aba bantu, balesha ukupanga icintu cimo; Haga na—na Sara, ukwafwilisha Abrahamu, ukwafwilisha Lesa ukulenga ubulayo Bwakwe ukuba ubwacine. Teti ucite ico. Takuli inshila, nangu panono, ukucita ici. Cili—cili icalwisha ifintu fyonse. I Cebo cakwa Lesa cili nokucitika, nangu cibefyo. Ufwile waiminina uwalungama pa Cebo, nokutila, "Cili muli *iyi* nshila," nokusunga i Cebo. Nomba, moneni, ukupanga icintu cimo ukusenda icifulo ca Cebo Cakwe!

<sup>159</sup> Limbi abanankwe bakwa Abrahamu, pamo, nga cakuti twalimwene, limbi abanankwe bakwa Abrahamu baishile nokutila, "Cisuma, wishu wanko, nibanga abana abo ukwete

nomba?” Ilyo ena ali ne myaka yakufyalwa umwanda. “Mutila, taata wanko, taata wabengi, nibanga abana abo mukwete nomba?” Bakapumya!

<sup>160</sup> Nomba, bushe tamwamona inshita? Bushe tatucimwene, ilyo inshita shimo isho twapepelepo icintu cimo, cena tacacitike?

<sup>161</sup> “Umwaume umukote uyu ekele apa,” eflyo balanda. “Alipofula. Ninkoma matwi. Nicibulu. Mulwele. Acita *ici*. Kabiye ni muyemundapa, mwebakaposha yamaka yakwa Lesa. Twala cicetekela.”

<sup>162</sup> Bushe baleluka ukutila niciwa umowine uwatile, “Fumeni pa lupanda, kabili Nalacetekela Imwe. Sanguleni aya mabwe yabe umukate, kabili Nalacicetekela”? Mwamona? Ulya ciwa umo wine uwakakile icisalu pamenso yakwa Shikulwifwe, nokumuma Ena pamutwe necimuti, kabili atile, “Nomba, nga Iwe uli kasesema, twebwe ifwe uwaci Kuma, kabili twala Kucetekela.”

<sup>163</sup> Ukuba, namwishiba ukutila Alishibe uwa Mumine. Nga alipilibwile amabwe ukuba umukate. Nangu, Ena nga alifuminepo pa lupanda. Lelo nifincinshi ifyo twingaba ileelo nga Ena alicitile ico? Mwamona? Tabaishiba ubutantiko bwakwa Lesa. Mulingile ukusanga ifyo Lesa alaile.

Nomba Ningile ukwangufyanya.

<sup>164</sup> Nomba, nomba bena limbi nga batile, “Taata uwanko, twacimyufwa, imyaka amakumi yabili na isano iyapitapo, mutila muli nokukwata umwana muli Sara, kabili ukufuma muli ico mwali nokwisa inko isha bantu. Nibanga abana abo mukwete pali ino nshita, taata uwa nko?” Huh! Mwamona? Uyo eumo wine umupashi wakale uakususha.

<sup>165</sup> Cinshi ico Abrahamu acitile? Atile, “Ena tapempenwike pa bulayo, ubwa kukanacetekela.”

“Mulandunshi, apa wapepelele *Wakuti-na-wakuti*, kabili bena tabapolele.”

<sup>166</sup> Cilya tacisakamika. Nga cakuti Napepelela amakana ikumi muli ino nshita ya bushiku, kabili amakana ikumi bafwa mulucelo, mailo munshita ya bushiku Ncili ndesuba abalwele no kubapepelako. Lesa eflyo asosele. Mwicileka, nangu panono. Lesa alilaile *ici*. Nincicetekela. Mucine. Tacilepanga ubupusano ifyo balelanda, nalyo line. Lelo, bakapumya. Kulya kusebana kwa Cebo.

<sup>167</sup> Abrahamu, ukwiminina pa Cebo cakwa Lesa, mukulekelesha Cena califikilishiwe. Oh, mwe!

<sup>168</sup> Moneni ukupumya kwa kukanakwata umwana. Ukumupumya, kabili nomusebanya wa bungumba, pakubala. Bena balikwete... Ashipikishe mukusebana ukwa kuba ing'umba pali yonse ilya imyaka. Ena ali mupepi nemyaka ya kufyalwa umwanda. Aali amakumi pakubala, ne Cebo cakwa



Lesa icalandile ukutila naena kuti aba *namfumu*, nyina wa mwana uyu. Kabili ena na Abraham, ing'umba, bonse babili i—i mibili yabo iyafwa nganshi, lelo nomba tabatalile ukutwishika cilya Cebo, nangu panono. Lelo bena balishipikisha muli cilya, pakubala. Kabili elyo, alleluya, Lesa asungile i Cebo Cakwe, munshita ya mfifi: Isaki afyelwe. “Kabili ulubuto lwakwe luli nga umusensenga wakuli bema nangu intanda sha mu Muulu.” Mwamona? Lesa lyonse alasuka i Cebo Cakwe. Ee. Ukuba ingumba pakubala, nomba Isaac.

169 Zakariya na Elisabeti, nga ifyo fine, ulya umukote umwaume no mukote umwanakashi, baali abaikatilila. Kabili ilyo Zakariya aishile kulya, kabili nokulemba peseleti, nokutila, “Malaika alinkumenye, alinjebele ukutila Ndi nokukwata umwana ukufuma kuli Elisabeti, umukashi wandi umukote uyu. Teti nande nakabili. Ndi cibulu. Nkaba cibulu mpaka ubushiku umwana akafyalwa. Lelo umwana aleisa, kabili ali nokuba kasesema wa uyo Uwacilapo. Akalangisha u Lutanda lwa Lucelo. Ena ni katangilila wakwa Messiya.” Musango nshi lwena lwingatala ukuba?

170 Bamo batila, “Umwaume umukote umubusu. Oh, Nde—Nde elenganya ukuti alifulunganako, namwishiba. Kuliko icintu cimo icinono. Lelo lolesheni kuli Elisabeth umukote kulya, imyaka amakumi cine konse konse. Kabili lolesheni—lolesheni—lolesheni kuli Zakariya, umukalamba kabili aletutuma, kabili nomba alelanda icintu ica musango nga filya. Ukuba, umuntu umukote umubusu.”

171 Lelo alikwete i Cebo cakwa Shikulu. Umusebanya waba ngefyo, mpaka aifishile umwine panshiku ishing. Lelo ena aikele ne Cebo. Oh, owe!

172 Ukukana ukulumbuka, ukukana itontonkanyo lya bantu bonse, akene ifyakusuba ifya ilya nshita, kabili nefyamicitile nefintu fyanshiku shabo. Balicikene. Balikene ukwenda pamo nebumba lya bashacetekela. Balikene ifintu ifya mwisonde. Bali nokucicita, ukwikala ne Cebo cakwa Lesa. Balingile ukucicita cena.

173 Efyo cili neleelo. Uleipatula wemwine kufintu fyonse kanofye iwe na Lesa. Tefintu ifyo ichalichi cicita. Fintu ucita na Lesa. Mwamona? Niwe, pamo nga umuntu umo. Ee.

174 Lelo lolesheni pafyo Lesa amupele. Ilyo Yesu Umwine aisa, Zakariya alile, Elisabeti, pamo. Lelo ilyo umwana wabo aishile mu matololo, na EFYA SOSA SHIKULU, Yesu atile, “Takwatata akubako umwaume uwafyalwa ku mwanakashi uwali umukalamba ngefyo ena ali.” Ameni. Cinshi? Acuilile ukusekwa kwa ng'umba. Aikele pa Cebo, nokukwata umwana wa musango nga filya.

175 Nga filya Sarah uwakale, nga Abrahamu uwa kale, abantu abakote baikatilile kuli Cena. Moneni, uwacilapo

pabafyelwe, “kwati munsensenga wamuli bemba,” takwaba umutundu wabantu mwisonde abo bonse aba ba Yuda. “Kwati munsensenga wamuli bemba nangu intanda sha mumuulu.” Nifinshi fyacitike? Cacitikile ku bantu abali abanono, umwana umo.

<sup>176</sup> Nomba mulemona uko Ndeya. Umwana umo, efyo casendelefye. Casendelefye umwana umo ukusunkanya inko kabili nokusontelela kuli Messiya. Casendele umo, uwacumfwila. Ico nacilungama. Lesa afwayafye umuntu umo. Efyo Afwayafye, umo Engakwata ishiwi. Efyofye Afwaya, ukukwata umuntu umo mubutungulushi Bwakwe. Oh, ifyo Atemwa ukubula umuntu umo!

<sup>177</sup> Abulile Noa, inshita imo. Abulile i—Abulile Mose, inshita imo. Ali bu—bulile Yeremiya. Ali bu—bulile Eliya. Abulile Eliya. Abulile Yohane. A—Alabula . . . Alibulle Samson. Nga kuti akwatafye umuntu umo uyo Engatungulula, ilyo e Shiwi lyakwe. Ena kuti alanda ukupitila muli cena. Ena kuti aebaula isonde. Oh, owe!

<sup>178</sup> Efyo Akabila nokunina, ukukwata umuntu uyo Engatungulua, “Icakuti Nande ukupitila muli ena. Kuti naleka i Shiwi Lyandi ukwishibikwa. Nangula ali nokwiminina ukupita mumusebanya, lelo Nkalenga Ishiwi Lyandi ukwishibikwa.” Mwamona? Oh, ee.

<sup>179</sup> Ukuba ing’umba, pakubala. Alingile ukukana kwata nangu cimo, alingile ukushipikisha umusebanya bwa bung’umba. Sara alingile ukushipikisha ico. Pamo na Zakariya na Elisabeti balingile ukushipikisha ico.

<sup>180</sup> Lolekesheni, ileelo. Nomba Nalasosa icintu cimo. Lolesheni ileelo kubana bakwa cilende. Ena alisenda inko mwifunde lya ifikansa fya calo ifya cilonganino, cilende nabana bakwe abanakashi. Lolesheni ifyo inkulo shafilonganino shaimine, kabili nafintu abashila bacepa. Mwilasakamana. Ikaleni ne Cebo. Cena cilifye bwino.

<sup>181</sup> Limbi kuti bamipumya, abetwa bakakunkuluka-bamushilo. Kuti mwaitwa fyonse, inshila yonse iyamashina ayabipa. Lelo, ikaleni apopene, Cena Cebo, musebanya wa Cebo, ifintu efyo bakalanda pali iwe.

<sup>182</sup> Kuliko umulumendo, limbi kuti aba pano luno lucelo. Nicibusa wandi; Jim Poole, Jim umulumendo, abakwe—abakwe abantu. Balimwipwishe ubushiku bwapita. Ukuba, abatishiwe pano. Umo umuntu atile kuli ena, atile, “Nga iwe wali nokubatishiwa muchalichi, mulandunshi tawafwaile ichalichi icikalamba, icintu cimo?” Mwamona? Lelo amwene u Lubuuto. Lulya lwali elo. Mwamona?

<sup>183</sup> “Abana babashili balungami balifulapo ukucila abana babalungami.” Ee. Cisuma. Efyo bacepa, ababalungami! Lolesheni ifyo bali akalibumba akanono munshita shakwa

Noa. Mwamona? Lolesheni eflyo caali munshita sha Sodomu. Mwamona? Abalungami eflyo bacepa!

<sup>184</sup> We bana ubwingi ebo cilende akwata! Akwatafye abana munshila yakale, lelo bonse bana bamucani. Cilende aleta cilende. Imbwa ileta imbwa.

<sup>185</sup> Kabili Kristu aleta uwasubwa. Baibele ileta umulungami, eico tulingile ukwiminina neitontonkanyo ilya kuba ibumba ilinono. We cintu cakusenamina we!

<sup>186</sup> Lolesheni ku chalichi ulukalamba ulwa Efese, kwalifye ikumi limo na fibili muli cena. Ee. Lolesheni pebumba tukwete ileelo, ulubali lwabo. Ee.

Kwalifye imyeo cinekonse konse munshiku shakwa Noah.

<sup>187</sup> Kwalifye basano munshiku shakwa Loti, iyo, fine; Loti nomukashi wakwe, abana bakwe abanakashi babili. Kabili asangwike impinda yalibwe panuma afuma, pakulolesha panuma. Ukuba batatu bafumine muli bulya bushiku.

<sup>188</sup> Kabili Yesu atile, “Nga fintu cali muli silya nshiku.” Nacitulinga ukulola nokubikako amano. Abalungami banono icine cine! Lelo, nga lyonse, bakapumya bafwile ukusebanya. Icikwa-. . . Ukushipikisha umusebanya wa ng’umba, intanshi. Owe!

<sup>189</sup> Mfwifwifwile ukwendesha. Ndi. . . Nshi. . . Ukwafwa ukusenda aba abaice. Shipikishenikofye panono. Mwamona?

<sup>190</sup> Abaume babafye cimo cine nga fintu baba. Nomba Nalalanda icintu cimo nakabili. Kabili Ndefwaya imwe. . . Kabili Nshishibe nga cakutula cena cileambulwa, atemwa iyo. Lelo nga cili pa tepu, Ndefwaya imwe mumfwikishe, imwe pali tepu. Mwicilufya, lelo cibelengeni. Umuntu nomba aba ngefyo aba lyonse. Alelumbanaya Lesa pafyo Acita; ukulolesha pafyo Akakcita; ukukana lolesha pafyo Acita na pafyo alecita. Alaltasha Lesa pafyo Acita; nokulolesha pafyo Akacita; lelo talolesha pafyo Lesa alecita, kabili apo alapanya conse icintu. Ndesubila ukuti balacumfwa. Mwamona? Ukukana lolesha pafyo Alecita! Alishiba ifyo Acita; kabili alishiba ubulayo ifyo Akacita; lelo ena afilwa ukumona ifyo Alecita.

<sup>191</sup> Oh, imwe ba Pentecosti, nga tamuli icilangililo ica cilya! Mulefwaya ukumona icintu cimo ukucitika: nga pe, icacitika pali imwe, kabili tamwacishiba. “Miku inga iyo Ena akutile, nge fyo nankoko acita pa twana twakwe, lelo iwe walikene.” Mwatontonkenye sana palwa ntambi shenu ne filonganino ukucila ifyo mwacitile pa Cebo Cakwe no Mupashi Wakwe. Ee.

<sup>192</sup> We kusebana kuli Maria! (Ilyo tuleisala.) We kusebana kuli Maria na Yosefe, pa Cebo Cakwe! Ni nshita ya Ciminshiminshi. Nacilapekanya ukutwalilila panonofye, lelo muli nokumfwa ifingi ifya cena pa cilimba kabili pakati ka bakakumba kabili nafimbipo. We musebanya we uwakwa Mary na Yosefe,

pakwikatilila ku Cebo cakwa Lesa icabulayo! Ibukisheni, nomba. Kabili ukupumya, kulya kwimya kwafipeni peni, ilyo balemona Maria alepita, pakumona Yosefe. “Uleupa cilende.” Mwamona? Kabili ibukisheni, munyina, ubucende cali nimfwa muli shilya nshiku. “Nomba, musungeni ena ukukana ipaiwa. Ena ali nokuba nyina kulubali lwenu.” Kabili, lelo, ibukisheni, inshitafye yonse, Lesa alebombela pali bena, kabili cali ukulingana ne Cebo. Kabili tabacishibe. Mwamona?

<sup>193</sup> “Nacisungu akakwata umwana.” Yosefe alishibe cilya. Maria alishibe cilya, pantu, panuma ilyo i Cebo calembelwe, kwaliko Malaika uwalelanda kuli bena, ukulangisha, nangu ukulangisha i Cebo cine ico calembelwe, cilya cali nokucitika. Mwilota nomba. Tontonkanyeni. Mupashi wa Mushilo aikile pe sonde; tatalile ukulanda ku lukuta lonse. Ena alandile kuli bena.

<sup>194</sup> Yosefe aloleshe. Kabili ilyo Malaika talamutandalila, atile, “Ukuba, nomba, Nalimutemwa. Lelo, Ndi muntu umulungami. Ine tekuti ngupe umwanakashi nga ulya.”

<sup>195</sup> Kabili Malaika wakwa Shikulu amonekele kuli ena, muciloto, nokutila, “Yosefe, we mwana wakwa Davidi, witina ukubula Maria umukashi obe, pantu cilya icimitwe muli ena cakuli Mupashi wa Mushilo.” Oh, owe! Ifyo caba icisansamushi! Mwamona?

<sup>196</sup> Kabili, Maria, munshila yakwe ukuya ku cishima. Nacisungu umunono, nalimo imyaka ya kufyalwa ikumi limo na cinelubali, ikumi limo na cine konse konse, ukuupila umwaume alyupilwepo kale kabili akwete abana bane; umuntu umukote. Kabili aali. . . Alimutemenwe, kabili taishibe umulandu. Kabili alimutemenwe, kabili taishibe umulandu. Kabili aba bali apa. Ukwisa, ukuya kucishima, ukuyasenda amenshi, kabili ukubelenga konse pafintu ifyo ena—ena aletontonkanyapo, Amalembu, ukwabula ukutwishika, kabili nomba u Lubuto lwabyakwile pantanishi yakwe. Ilyo u Lubuto lwabyakwile, kwaiminne Malaika.

<sup>197</sup> Muleelenganya ifyo Maria umunono aumfwile? Mwalitontonkanyapo pali ico? Ndesunguka nga cakuti aumfwile umwenso untu Naumfwile mailo.

<sup>198</sup> “Nakucelela, Maria!” *Nakucelela* cipilibula “leka.” “Posako amano kufyo Nalakweba. Walishuka pakati ka banakashi, pantu walisaga ububile na Lesa, kabili uli nokukwata u Mwana. Ukwabula ukwishiba umwaume, lelo uli no kukwata u Mwana. Kabili nomufyala obe Elisabeti, aaba umukote, nao, naimita nankwe, kabili ali nokukwata umwana. Kabili ifiishibilo fikacitwa.”

Atile, “Bushe ifi fikaba shani, ukwishiba, ukumona ukutila Nshaishiba umwaume?”

<sup>199</sup> Atile, “Mupashi wa Mushilo uli no kukukupa iwe. Wena uwa Mushilo uukafyalwa kuli iwe aketwa u Mwana wakwa Lesa.”

<sup>200</sup> Lekeni bakapumya basose ifyo balefwaya ukusosa. Alicishibe. Alishibe ukutila cikaba, pantu Lesa efyo asosele.

<sup>201</sup> Nomba, ifyo afwile aumfwile, bulya bushiku bwakubika kuli Shikulu, nangu ukwisa ku kusembululwa kwa Kanya, ilyo ena aleenda pamo noyu Mwana umunono mumaboko yakwe, nga *filya*. Kabili abanakashi bonse ukusunga intamfu shabo, bonse nefyakubil ifisuma, mukubika abana babo no kubakwata ukusembululwa, kabili mupepi nabonsefye baletinta akana ka mpaanga. Lelo alikwete utukunda tubili, ukuwamishiwa pakusambwa kwakwe. Akanya akanono nabakapomba munsalu, iyo bapanga ukufuma kwi koli lya pamukoshi wang'ombe, ikoli kabili ukukakapanuma yang'ombe. Ensalu yalimo mwitanga lya ng'ombe. Bena tabakwete nangu cimo i Cakwe. Bena bali ababusu nganshi. Kabili apa ena aliminine.

<sup>202</sup> Ukwabula ukutwishika, banamayo bonse baleiminina akatalamukila ukufuma kuli nacisungu umunono. Atile, "Mulemona, ena alikwata umwana wa mucani." Moneni ifyo Lesa alenga ifintu ukumoneka ifyailbela nganshi. Oh, owe! Atintilefye amasako palya pene pamenso yakwa Satana. "We fiko we! We kulamba! Ubucnde. Efyo efyo aba. Mucende." Tabalesheshe ukutunta mumutima wakwa Maria. Balesangwafye apatali Nankwe.

<sup>203</sup> Bena bacili balecita icintu cimo cine, ukumwita Ena nomba, "Kakunkuluka-wa mushilo, nangu uwafulungana," nangu icintu cimo.

Maria alishibe Uwali umwine waulya Mwana. Atwalililefye, nangu cingaba ifyo.

<sup>204</sup> Lelo, oh, bushe nga tabamwene ilyo, Simeoni, ilyo aikele kunuma mumuputule, ena alailwe? Ena aile, alesesema. Atile, "Shikulu amonekele kuli ine." Kabili atile, "Nshakamone mfwa . . ." Kabili ena ali amakumi cinekonse konse nafimbipo lilya. "Nshakamone imfwa ilyo Nshilamona ipusukilo Lyakwe."

<sup>205</sup> "Oh, Simeoni, naukota, wemwana. Uobe—uobe . . . abakalamba alilenga umutwe wakwe, namwishiba, alibako . . . Mulekenifye abe eka. Tekuti alete ubusanso pali imwe. Tacene nangu umo."

<sup>206</sup> Lelo Simeon alikwete i Cebo cakwa Shikulu, atile, "Namwene u Mupashi wakwa Lesa ukwika pali ine. Naliminine nokulolekesha pali Ena. Alinjebele, 'Simeon, waliba umuntu umulungami. Kabili iwe tawaye . . . Ine nala kutwala ubunte kunse kulya.'" Uh-huh. Epelafye.

"Mulandunshi Walacitila icamusango uyo, Shikulu?"

"Ulya mulimo Wandi."

207 Itontonkanyo lyandi, lyakutila kuti mucine Aitila amalasha pali bena, pali bulya Bushiku. “Mwalikwete inte. Mulandunshi tamwaumfwile kuli cena?”

208 Kuliko impofu iikalamba Anna, naikala mwi tempele, alepepa. Lesa asokolola kuli ena ukutila, “Simeoni nalungika.” Amen. Ena taleishiba nga cakutila kasuba nangu nakufita, lelo alemona apatali ukucila abantu abengi ileelo abakwata amenso ayasuma. Alimwene, mu Mupashi, ukutila ukwisa kwakwa Messiya kwali mupepi, u Mupashi waleenda mumutima wakwe.

209 Mwamona ka Chalichi akanono akaliko? Zakariya, Elisabeti, Maria, Yohane, Anna, na Simeoni; mutanda ukufuma muli ba millions abengi. Kwati ni munshiku shakwa Noa. Bali Mutanda. Lesa abombele pali cila umo muli bena. Bonse bali mukumfwana. Bonse baishile capamo. Amen.

210 Apa, pali Simieoni umukalamba. Kwaishile Umwana umunono. Tatalile umfwampo icili conse palwa ici. Umwana Uyu. Kabili nomba Simeoni alikele mumuputule, no Mupshi waishile pali ena, nokutila, “Fuma, Simeoni.”

211 Alile, aleenda, teshibe uko aleya. Kwati ni Abrahamu, alefwaya icintu cimo. Taishibe apo cabelele, lelo alitwalilile ukwenda. Panuma yakashita, aliminine. Kabili Mupashi wa Mushilo limbi alilandile kuli ena ukutila, “Ulya Ali palya.”

212 Aineme nokusenda, mumaboko yakwa Maria, Akanya nokukabika mumaboko yakwe. Aloleshe mumulu nokutila, “Shikulu, lekeni umubomfi Wenu nomba afume muli uyu mweo mumutende. Amenso yandi yalelolesha pe pusukilo Lyenu.” Icintu ico umuntu onse alessenteka, ifyo abanakashi baletaluka, eco Simeone atile, “Cena lipusukilo Lyenu, Shikulu.”

213 Kabili pali ilya nshita, paishile umwanakashi umukote impofu, alepekesa mubantu ukuti apite, aletalantanta ukupita mumabumba. Kabili aishile kuli Ena, nokusesema nao, pantu ale Mufwaya. Aebele Maria ukutila, “Ulupanga lukalasa umutima obe, lelo Lukasokolola amatontonkanyo ya mitima iingi.” Mwamona? Nicinshi ico?

214 Nomba, Ndeelenganya, bamo balya banakashi batile, “Nomba mulemona cilya! Mulemona libumba lya musango shani? Efyo cili. Mwamona? Nifyo fine. Mulemona uko cili? Ulya mwaume mukalamba, alifulungana. Ulya ali palya, naiminina ku cinso ca ulyo mukashana cilende, ukweshwa ukusosa icintu nga cilya. Mwacimone co. Uyo Mwana wamucani. Moneni ulya Anna umukalamba, ekala palya, alefwa ulushile kunsala, kabili nokutwalilila nga filya. Takangalepo nga fintu tucita. Lelo, mwacimona ico, mwamona. Ena kuti aba mutubungwe tonse utwamucalo muno. Afuma mulupwa ulusuma icine cine, mwamona, kabili kuti aba uwamulupwa lulya lwine. Lelo ulya ali palya. Moneni ifyo lilye bumba lilongana capamo?” Oh, ee. Amen.

215 Icintu cimo cine ileelo. “Ukwikala muncende shamu Myulu muli Kristu Yesu, ukwimishiwa kuli Mupashi wa Mushilo.” Mucine. Ee, mukwai.

216 Oh, bushe natukwatako inshita naimbi iinono? Ningile ukusosa icintu cimo. [Ulukuta lwatila, “Ee.”—Ka.]

217 Ninkwata umuntu umbi pano, Ndelolekesha pali, pali ilya nshita ilyo i Cebo calelengwa ukumonekela, kubantu aba mano.

218 Nacilakabila ukukwatako inshita yakuti, Fred, ubelenge cilya. Naucikwata mwitumba lyobe? [Munyina Fred Sothmann atila, “Ee.”—Ka.] Ndeelenganya mwebengi namucimona muli magazini.

219 Icintu ico Mupashi wa Mushilo alandile panshi pano pa mumana, imyaka amakumi yatatu na-itanu iyapitapo, bali cimba. Mumupundu milimo pa 9, ukucishininkisha, kuli balya babebeta imyulu, ifyo i—Jupiter nashimbi intanda mwibumba’!

220 Balikwata ifyakubebeta imy-...ifyashilwa pali ico, balimba. Iyo enshita akalibumba kalemoneka, mumabumba yantanda, nokuposa imyengelele panshi pa ukulola ku Babyloni, kabili nabamano bakasangile. Ibukisheni? Balitolweke inshila isho baleendamo, yalemonekela mupepi, amabillioni imyaka mukutalukana. Kabili abo aba Yuda abamano abali ku Babyloni, balimwene ako kalibumba kantanda kaisa mwibumba, Iya ntanda. Shitatu shaishile, capamo, no kupanga lulyo lutanda lumu ulwa lucelo. Kabili balishibe ukutula ku Cebo cakwa Lesa, ilya yali ninshita, ilyo shilya ntanda shaishile capamo, ukutula Messiya aali nokuba pesonde.

221 Ulya emulandu wine batendeke ukutula, “Ali kwisa, Uwafyalwa Imfumu yaba Yuda? Ali kwisa? Kuncende kumo! Pantu, ilyo shilya ntanda shaishilemo, mpaka imibili yashio iya kumulu yaishile muli uyu umo ukalamba umubili uwa mu mulu pano, nga filya fyaba fitatu, Messiya akaba pesonde muli ilya nshita.” Kabili ilyo baendele mu nshila shabo, balya bantu balishibe ukutula Mesaya ali pe sonde.

222 Bali abakanshiwa ciputulwa ca mibombele yabo. Bali abantu abakalamba. Bali abakanshiwa muciputulwa ca scienci ya mipepele. Bena balelekesha ulubali lwa bukapepa ulwa cena. Kabili balimwene isho ntanda shasele kwishilya, Jupiter na Sargas, kabili nomba shaselela mumulongo wa—washiko. Kabili batile, “Natwishiba ukutula Messiya ali kuncende kumo. Eico, Ena alingile ukuba mu Yerusalemu, pantu ilya ncende ikalamba yabukapepa bwesonde, bukapepa bwakwa Messiya. Uyo emusambo. Emusambo wafilonganino. Palya epo ibumba ilikalamba ilya bukapepa Iyaikala.”

223 Kabili napangamali baile, imyaka ibili, panshi ukutoloka Icimana ca Tigris, nokupita mumateshi, baleenda, baleya kumusumba, imitima naisulamona insansa.

224 Balishibe ilyo shilya ntanda shakobeme mulya. Kabili neco, nabakacefya wa myuulu batila, ileelo, “Nga cakuti, shilya ntanda, shaisa muli ilya ncende nakabili, kuti capanga ulutanda lumo, ukufuma apo baiminine, ukulolesha.” Lelo balinokwiminina ukufuma palya pancende, ukuti balumone. Amen. Amen.

225 Cilifye napowiminine. Cilifye nefyo ulelolesha. Uh-huh. Ee.

226 Eico balilumwene, kabili balilukonkele, kabili bena balifye mu mulongo. Te mulandu uko balusangile, lwalifye mu mulongo pamo nabena. Lwena lwalibatungulwile. Mwamona?

227 Iyo enshila ufwile ukukwata Amalembo ayatantama, ifintu fyonse, nomba ikaleni muli uyo mulongo na Malembo. Enshilafye. Yali nokumitungulula ukuya kuli Ena. Nifyo fine.

228 Nomba moneni. Aba baisa, baleita ukutila, “Alikwisa Ena, uufyelwe Imfumu yaba Yuda?” Mu Yerusalemu, Ulutanda lwalibatungulwile ukuya kulya kwinefye, ukutontafye kumusambo ya filonganino. Lelo ilyo balwile kumbali pali cena, Ulutanda lwalibashile. Mu musumba balile, uku no ku mumusebo. Batontonkenye ukuti umusumba ukaba uwaisulamo nensansa shakwa Lesa. Uku-no-ku pamusebo, nensansa, baile, balebilikisha, “Alikwisa uufyelwe Imfumu yaba Yuda? Twalimwene ulutanda Lwakwe ilyo twali ku Kabanga, kabili natwisa ukuti tu Mupepe.”

229 Ibukisheni, u Lutanda, baile lwaku mboshi. Bali ku Kabanga. “Lwakumboshi lulebatungulula, bali baleenda. Tutungululeni ku...” Mwamona? Balifye aba...Bali... Ukuba, Babyroni na India fyaba lwaku Kabanga lwa Palestine, pakati kakukapinda kakukulyo nakukabanga. Kabili baleya ku Mboshi. “Ukutunguluka lwakumboshi,” namwishiba ulwimbo, “tucili tuleya. Tutungululeni ku Lubuto ulwapwililika.” Mwamona? Bena, abaume aba mano, baleisa ku mboshi. Ukufuma ku Kabanga, ukuya ku mboshi, kabili balimwene lulyo Lutanda. Nomba, nga bena bali ku Masamba, ukulolesha kunuma, bena taba Lumwene. Mwamona?

230 Bena, ilyo bafikile kulya, Lwabatungulwile kulya kwine, elyo Lwabasha. Kabili batontonkenye ukutila, “Ulu luliapa. U Lutanda naluya, eico apalui.” Bali mumusumba. Eico, “Oh, owe,” batile, “cila muntu aleimbafye no kusangalala. Ubukata bwakwa Lesa nabukosha ifintu fyonse. Eico, ifwe tuli pano. Twalishiba ukutila ifyesu—ifwe twalishiba kulya kubomba kwesu, ilyo tulelolekesha yalya amabumba’, tapali nangu umo, uwinganina palya nokutinta intanda pamo. Kabili twalishiba, ilyo cilya—ilyo shilya intanda shaisa muli ulya mubili wamumyuulu, ilya enshita Messiya ali pesonde. Messiya ali pesonde.”



231 Kabili nacila imyaka umwanda umo, shilapita mukalibumba nakabili, mwamona, kabili nomba kwaisa icabupe pesonde. Moneni.

232 “Messiya ali pesonde, ilyo lilya—ilyo lilya ibumba lya ntanda lyaishile capamo.” Kabili shalishibe ukutila Epo aali, shaile kumusambo wabuka pepa, kabili nokuya, nokutila, ukuya-nokubwela mumisebo, iyi ngamali, “Ali kwisa? Ali kwisa? Alikwisa uufyelwe Imfumu yaba Yuda? Twamwene ulutanda Lwakwe ku Kabanga. Ali kuno kuncende imo. Alikwisa? Alikwisa? Alikwisa?” Huh! Wemusebanya we!

233 Baile kuli shimapepo mukalamba. Atile, alisosele ukutila, “Cinshi cilubene naimwe mwe bantu? Mulandunshi, mwebumba lya mashilu!” Mwamona? we musebanya we, pafyo babombele ifya scienci! Ku maka yakwa Lesa, balimwene u Lutanda Lwakwe. Kabili bali abaume abamano, abacenjela. Bali mwibala ilya scienci iyabuka pepa. Kabili balishibe, ilyo shilya intanda shafikile kulya, Messiya ali kuncende imo. Kabili apa, incende iyalingile ukucishiba, tayaishibepo nangu cimo palwa Cena.

234 Kuti naelenganya, abana nabeminina mumusebo, baleti, “Ha! Lolesheni kuli cilya. Ha! Aba libumba lyamashilu. Umfweni kuli bena, baletila, ‘Alikwisa, uufyelwe Imfumu yaba Yuda?’ Tabaishiba ukutila Herodi emfumu kuno. Tabaishiba Bishopo *Wakuti*.” Oh, owe!

235 “Ali kwisa uyo uwafyalwa Imfumu yaba Yuda? Ifwe twamwene u Lutanda Lwakwe kukabanga.”

236 Batila, “Isa kuno, bonse imwe mwebamano pano, mwebali pano.” Uh-huh. “Iseni kuno. Bushe bonse mulemona u Lutanda lwandi ukuli konse?”

“Oh, Nshatala monapo icintu icaba nga Cilya.”

237 “Bonse mwebabebeta imyulu iseni kuno. Bushe namumonapo u Lutanda kuncende iili yonse?”

“Iyo. Iyo.”

“Bushe namumonapo icintu icapala nge cishibilo iceni?”

“Iyo. Tatumwenepo icintu icapala ico. Iyo.”

238 Tatulati, naifwebene. Cintu cimo cine. Tabamona nangu cimo. Teti ba Cimone.

“Uh, lekeni twite ba—bakapyunga. Nga imwe bonse?”

“Iyo. Ifwe tatwatala monapo u Lutanda.”

239 “Ukuba, nga imwe bane mebasunga inshita, kunse kucibumba? Mubebeta intanda. Bushe mwalishiba... Mwalishiba ukwaba akalibumba akannono kantanda konse’ akaba mummyulu. Mwalishiba ulutanda lonse. Bushe mwalimonapo ululi lonse?”

“Iyo. Tatwamwenepo nangu cimo.” Lelo epo Lwali.

240 Ubukata kuli Lesa! Oh, owe! Bushe teti mu Lumone? Epo luli nomba kabili teti ba Lumone. Cilecitika, ukubashinguluka, kabili teti ba Lumone.

241 “Iyo. Tatwamwenepo nangu cimo. Oh, Nalile kulya kwine. Nshamwenepo nangu cimo.” Mucine, teti ulumone. Walipofwisha. Tecobe uku Lumona. Mwamona? Nga walipofula ukufika uko, mulandunshi, mucine, tawa Lumone.

242 Nikuli balyafye abo Lesa ali noku Cisokololako. Ebaka Cimona. Enshila cibelamo lyonse. Sure.

243 Ni Noa ewamwene imfula mumulu, namwishiba, lelo abashala tabaimwene. Mwamona? Tabamwene imfula kumulu kulya, lelo Noa ali imwene.

244 Ni Abrahamu ewamwene Sarah nalela umwana. Ico nacilungama. Te bakapumya abatile, “Taata wa nko, nibanga abana abo mukwete nomba?”

245 Kuti twaisa tuletentemuka mu Baibele, abamano nabakasesema, ukupita monse! “Icicetekelo ecishininkisha fiintu ifishimoneka.” Balishibe ukuti i Cebo calisosele ico, kabiliapo caba. *Apa* epali icakushininkisha. Balacimona. Nomba moneni. Oh owe!

“Abamano besu tabalumona lulya Lutanda. Takwaba nangu cimo kuli Lwena.”

246 Mulandunshi? Mucine, ilyo balelolesha, kabili baingila mwibumba lya musango uyo, u Lutanda lwalifuminepo.

247 Cintu cimo cine ileleo. Cilya ecicimya u Lubuuto ulwingi, ico nacilungama, kuisansha mwibumba lyaba ngafilya, ilisha Cicetekela, mukutendeka. Kabili tuli nokukwta shani ukwampana kwa—kwa machalichi? “Tuli nokwenda bonse shani kano natusuminishanya?” Bushe isenge lya . . . ilya ici apa, isonde-lyonse, fyonse i—ifichalichi, amachalichi ayaampana ayesonde? Kuti twa ampana shani, ilyo twalitalukana ba mailoshi? Mwamona? Bushe tukacicita shani ico? Ba Evangelical naifwe, *neci*, na *cilya*, na *cilya* kabili nafyonse pamo, kabili nomba ukwampana capamo nebumba lyakoweshiwa.

248 Lesa alesenda Umukashi uwabula akalema, umulungami, uwabula ukukoweshiwa, uwikala ne Cebo Cakwe. Cisuma.

249 Ukusebana kwakwa Yesu pa Cebo. (Kabili nomba twalaleka, muli miniti imo.) Yesu bali musebenye kumulandu ne Cebo. Lolesheni kuno. Musango nshi Enga shipikishishamo mukusebana, ilyo Aali uwa bu Lesa, Lesa mumubili? Aali ni Lesa, Umwine eka, ukupangwa umubili.

250 Nomba, mwalishiba ukutila Baibele yalilandile ifyo. “Ifwe twali Mwikete. Ba Malaika bali Mumwene.” Tontonkanyenifye pali ico. Ndecetekela Timoti acibika mumusango nga filya. Mwamona? Ukutila, “Ukwabula ukupililikana ikalamba inkama

yabukapepa; pantu Lesa alangishiwe mumubili, amwenwe kuli ba Malaika.”

<sup>251</sup> Ba Malaika bali pa kufyalwa Kwakwe. Ifyo ba Malaika bafwile baloleshe panshi no kusangalala, ilyo baloleshe pelsamba lya mulimba nokumona Lesa mu mubili. Ameni. E mulandu wine batendekele ukubilikisha ukutila, “Ileelo, mumusumba wakwa Davidi, nakufyalwa Kristu Kapususha.” Ba Malaika balisekelele, kabili balilashile amapindo yabo ayakulu capamo, kabili pamulu wampili sha Yudea, bena balimbile, “Ubukata mummyuulu yapulamo, umutende pesonde, kabili icintu icawama kubantu.” Balimwene i Cebo cakwa Lesa, ukutila balolekeshe pali Cena, ukumona ukuti Cilangishiwe. Kabili Cali palya.

<sup>252</sup> Nomba, Satana tacetekele cilya, namwishiba. Atile, “Nga Iwe uli . . .”

Malaika atile, “Ena eflyo aba.” Bulya e bupusano.

“Ngackuti Waba, cita *ici-na-ici*. Natumane Iwe ulecicita.”

Lelo Malaika atile, “Ena ali kulya.”

<sup>253</sup> Abaume abamano na scienci yabo iya bukapepa, batile, “Ena ali kulya.” Ameni.

<sup>254</sup> Emulandu bakemba wamisumba yakale nafyonse ileelo baleimbila ifi fintu, ifya sesemwa imyaka inono iyapitapo, cilya cikesa fikilishiwa. Kabili aba bali apa, baleimba. Bena tabatalile nangu . . .

<sup>255</sup> Takwaba ilyashi lyakale ilyo lyatalile ukusosa ukutila Pontius Pilato aali pesonde. Bushe mwalishiba ico? Bamo pali imwe mwebana bamasukulu munjebe pancende epo batila kwaliba Pontius Pilate. Kabili abashacetekela balapumya pali cena no kucishenteka, atile, “Takwatala akubako ci—cilolo uwa ci Roma uweshina, ci—cilolo uwitwa, Pontius Pilato.” Lelo limbi imilungu mutanda iyapitapo, balimbile ilibwe lya pacifutu: Pontius Pilato, cilolo. Oh, owe! Ubuwelewele bwa musango ngefyo!

<sup>256</sup> Batile, “Takwatalile akuba Rameses mu lyashi lyakale, Rameses ukutungulula Egypto.” Lelo balimbile ilibwe, bakemba ba bwikashi bwakale: Rameses, wacibili. Moneni.

<sup>257</sup> Kabili bena batile ukuti filya ifibumba tafyatalile ukupona panshi. Bakemba bamisumba yakale baleimba, kabili, kupulikilwafye, baimba, panshi pantu ifibumba fyaponene ku Yeriko, namwishiba, ilyo ipenga lyalilile. Batile, “Ico cali cakwelenganyafye, ulwimbo ulwaimbile umuntu umo, balwimbile kukale kulya.” Ee. Kapumya eflyo alanda. “Ifi fyakwelenganyafye. Takwatalile akuba icintu icaba nga ifibumaba ukupona, kabili Yoshua ukulisha ipenga, nokubutukila kufibumba kabili fyapona. Takwatala akubako icintu ica musango ngoyo.” Kabili umo kemba wa misumba

yakale umwina Kristu, atwalililepofye ukwimba, pantu alishibe ukutula cifwile ukuba ifyo fine. Kabili aimbili amakumi yatatubafiti, ukuya panshi ukucila apali bonse. Apo pali ifibumba, nafilikana cimo pacinankwe, nga fintu i Cebo calanda.

<sup>258</sup> Batile, “Takwatalilebapo icintu icapala nga Davidi alelisha icilimba cakwe, isese lyantambo, pantu inyimbo shakulisha intambo takwali mpaka ilyo papitile imyaka ikana limo nemyada isano.” Ukutula, “Takwaliko icintu icba ngefyo.” Bakenmba ba misumba yakale abena Kristu balimbile, kulya ku Egypto. Amakana yane imyaka yapitapo, balikwete ifilimba fyantambo. Ameni. Oh, Owe!

<sup>259</sup> Batile, palwa bana ba ci Hebere ukubapanga amabwe nefintu fyaba ngefyo, ukufuma mu mpimbili, “Takwatalile akubapo icintu caba ngefyo.” Bakemba ba misumba yakale bailefye baleimba kulya. Nifinshi basangile? Iyo ni scienci. Nifinshi basangile? Ifibumba fya misumba iyo aba Hebere bakulile, amabwe yakubalilapo yali nimpimbili iitali. iya cibili yaputawilwe mu tupimfya utunono utwa milumbe; kabili ica citatu tacakwete mpimbili muli cena, nakalya. Oh, owe!

Inko shilepatukana, Israeli alebuuka,  
Ifishibilo ifyo bakasesema balandile libela;

<sup>260</sup> Ee, mukwai. Cena caliselafye kuli ifwe, munyina, nkashi. Mulandunshiabela ifyo? Mumyaka iinono iyapita, icalo cabunkolanya acatala citapo ifyo cacita. Pacitunshitunshi paishile filimu ya *Mafunde Ikumi* iyalembelna Cecil DeMille. Pacitunshi tunshi paishile umweo mwakwa Yesu Kristu ukupitila muli *Ben Hur*. Pacitunshi tunshi paishile *Kaloba we sabi Umukalamba*, ukupilibula kwakwa Petro. Kabili fyonse ifi bwangalo bwa bukapepa, ubo ubunkolanya bwalikana, nokutula fiko, nokuposa. Lelo, Lesa, mumaka Yakwe ayapulamo, alecipoशा, umusango umo wine.

<sup>261</sup> Ino ine nshita, filya fintu ifyalandilwepo imyaka iinono iyapitapo, umupina, umubomfi umunono uwaicefya, nemwine, uwakwa Lesa, Natile, “Kuli u Lubuuto ulwa iminine nokulanda kuli ine, kabili nokunjeba ifintu ifya kucita.” Abantu balisekele nokutula, “Nafulunganako panono.” Kwiliba icikope palwa Ici. Scienci yali Cikona. Eko caba. Ico Cine.

Natile, “Umwanakashi nakupwa kumfwa.”

<sup>262</sup> Batile, “Icinshingwa, nomba, bulya buwelewele. Apangafye cilya mumano yakwe.”

<sup>263</sup> Paliba icikope palwa ici. Lesa akalenga amabwe ukulila. Acita ifyo Alefwaya ukucita.

<sup>264</sup> Yesu, umusebanya pa Cebo. U Mwana wakwa Lesa uwa bu Lesa naiminina palya pene, Emmanuele, we musebanya we! Leken i uushacetekela umubembu a Mukakile, a Mufwishile pamenso, kabili anukule utupo twamwefu, kabili a Mubece

ukucitapo icintu nangu cimo. Ukusebana pa Cebo! Uhuh. Niinshi? Ukufikilisha i Cebo cakwa Taata. Owe! Lelo, ibukisheni, Ena alingile ukwiminina ukusebana kwa mfwa. Lesa, Uushingafwa, kabili Umofye uwingafwa ukuti apusushe umubembu. Tapali naumbi, tapali uwabubili nangu uwabutatu, uwingacita ico. Lesa Umwine eka Umofye ewingacita ico. Kabili Uyu wali apa.

<sup>265</sup> Atile, “Takwaba umuntu uwaya kumuulu kanofye Uyo uwaikile panshi, nangu u Mwana wamuntu uyo uuli nomba mu Muulu.” Amen.

<sup>266</sup> Batile, “Bashifwe balile manna mumatololo.”

“Kabili bena balifwa,” eflyo Atile.

“Kabili Mutila Muli Mukate wa Mweo?”

<sup>267</sup> Atile, “Ilyo Abrahamu talabako, NABA. Ndi Mukate wa Mweo. Nine NABA.”

<sup>268</sup> Batile, “Iwe taulafika nemyaka ya kufyalwa amakumi yasano, kabili uletila Iwe ‘walimwene Abraham?’”

<sup>269</sup> Atile, “Ilyo Abrahamu aali, Ine NABA.” Kabili aleka ababembu ba Mukakila, ichalichi cacilonganino, uku Mukakila.

<sup>270</sup> Muleibukisha, mu bushiku bwa kulekelesha, ici chalichi icanonka ica Laodikea, ba Mufumishe kunse, nangula, ukwa chalichi. Mulemona apo cibebele nomba? Bushe kuti mwamona umulandu Ndelandila ukukana suminisha iyo mibombele?

<sup>271</sup> Mulandunshi Yesu asuminishe ababembu uku Mukakila? Cali ukufikilisha i Cebo, ukuleta umsebanya kuli Lesa, ukufwa. Lesa alingile ukufwa. Ena alingile ukuba umubili, pakutila engafwa. Kabili Yesu alishibe cilya. Ena alibebela palwa ici. Atile, “Onauleni ili tempele, kabili Nkalibusha nakabili.” Te muntu umbi ukulimya. “Nkalimya. Munshiku shitatu, Nkalibweseshapo nakabili. Mukalyonaule. Nkalimya. Ngeflyo Yona ali mwifumo lya cisabi, pa nshiku shitatu akasuba no bushiku, eflyo no Mwana wa muntu akaba mumutima wesonde.” Kabili bena tabailwike ici. Mwamona? Ukusebana pa Cebo, Ena—Ena alicitile ico.

<sup>272</sup> Nomba, ukumupumya ukufika nakumfwa, ukwima nakabili ku Mweo wa Muyayaya. Ali nokwipaiwa, icakuti Engema ku Mweo wa Muyayaya, nokuleta umuntu onse (uyo wali mumibele Yakwe) ku Mweo wa Muyayaya, uyo uwinga Usumina. Mwamona? Asangwike umuntu, aba Kalubula wabalupwa, kabili ashipikishe umusebanya uwakupumya konse, nokupangwa icakusekesha, pamo ngafintu fyacitike kubabomfi Banankwe aba Mutangilile. Nga filya Mose, nga Noah, nga bonse abashala balishipikishe kulya kupumya, Ena aali nokushipikisha ukupumya. Mulandunshi? Alikete i Cebo, kabili Aali i Cebo. Emulandu wine bale Mupumisha ukucilapo. Aali uwabu Lesa kabili i Cebo Icine. Alleluya! Ifyo eflyo Aali.

273 Yesu atile, “Mwe babumbi mundamwe.” Atile, “Mukuula imanda sha bakasesema, kabili nimwe bene mwababikile mulya. Bena baishile ne Cebo cakwa Lesa, kabili tamwabacetekele. Muli nomulandu uwa cila umo pali bena.”

274 Ku Phoenix, ku luse lwakwa Lesa, Nasangile ishiwi ubushiku bwafumineko, Nalapela umulandu ino nkulo pa kwipayaya Yesu Kristu, uku Mutanika cipya cipya, Nalaleta umulandu kuntanishi yakalya kabungwe kaba kapyunga, Lesa ngasuminisha. Bena bali nomulandu wa Mulopa wakwa Yesu Kristu, pa kutanika Cipya cipya. Ee, mukwai. Peleni umulandu bonse!

275 Petro alibapele umulandu, pa Bushiku bwa Pentecosti. Atile, “Imwe na maboko aya bupulumushi na mutanika Cilolo wa Mweo, Uyo Lesa aimishe. Ifwe tuli nte.” Ena aletele umulandu.

276 Ndi nokusenda i Cebo cakwa Lesa, noukupela umulandu icilonganino conse icabapo, kabili umuntu onse pesonde, uyo uuli nomulandu wa Mulopa wakwa Yesu Kristu. Lesa ngafwilisheni ukuba ndubulwila Wakwe pali bulya bushiku. Amen. Ee.

277 Oh, bakapumya bali Mushenteke. Ba Musebenye. Aikelefyo Naco. Amen. Oh! Moneni ifyo Acitile. Ali Mwana wakwa Lesa, ashipikishe ukufika kumfwa pakutila engepayaya ulubembu. Alingile ukucita cilya. I...Iyo enshila imfwa ingepailwamo. Kabili Alicitile ici, nokushipikisha mulico, pantu abashala bonse efyo bacitile.

278 Pantu, bonse kukale kulya balikwete icipasho ica Cebo cakwa Lesa. Pantu Yesu efyo alandile. “I—i Cebo cakwa Shikulu caishile kuli bakasesema. Kabili niwisa pali balya,” Efyo atile, “untu bashinwe, abamipepele yakabungwe, tabatobele amabwe nokwipayaya? Niwisa pali balya apokelelepo bakasesema? Nomba mulekuula imandaanuma baya.” Atile, “Muli nomulandu wakubatwala mulya.”

279 Nomba Abapele umulumbe pebala lya myangashi ilyo basonkeshe, kabili ababomfi balishile. Balibacushishe, nomba mukulekelesha batile, “Nomba twalaipaya umwana, pantu ena nimpanyi.” Mwamona? Oh, bena balikalipe ilyo bamwene cilya. Mwamona?

280 Lelo Ali nokushipikisha umusebanya. Kabili apa Ali naikaka Umwine eka, balemutwala kumfwa, mukubikwa kumfwa, ukubwekeshapo u Mweo wa Muyayaya. Ubukata kuli Lesa! Oh, ifyo Na Mutemwa! Ukubwekeshapo u Mweo wa Muyayaya nokwimya umwana onse uwakwa Lesa ukupita munkulo, abo abaiminine na cilya Cebo nokufwala umusebanya. Ico nacilungama.

281 Nga cakuti Taishile, Noa teti abuke. Nga cakuti Taishile, Eliya nga tabwelele. Nga cakuti Taishile, Noa nga tatalile buuka, nga Tacitile...nga cakuti Taishile. Pantu, Aali ulya Mwana

wa mpaanga uwalingilwa kabela, uyo waishile mukubika ukusebana pali Ena umwine, kabili nokufwa imfwa ya Cebo conse icakwa Lesa ico alandile, kabili eco naba abaume abalungami baimininepo. Ena ali nokuba ifyo fine. Takwali nangu umu uwingacicita ico. Lesa Umwine eka, kabili Alishile senda icifulo, pakutila Engalubula nokupela u Mweo wa Muyayaya kumwana wakwa Lesa uwaiminina pa Cebo cimo cine kabili uwinga sangwa mumusebanya. Umwana onse uwakwa Lesa, ukupita munkulo shonse, uyo uwingashipikisha mumusebanya, takwali nangu umu uwali no kumulubula, lelo kucitetekelo alimwene ulya Kalubula aleisa.

<sup>282</sup> Yobo ali Mumwene. Yobo aiminine inshita ilya, kabili bena batile, “Oh, iwe uli mubembu wa mubumfisolo. Lesa alekucushafye, pantu uli mubembu wa mubumfisolo.”

<sup>283</sup> Atile, “Nalishiba ukutila Kalubula wandi wa mweo. Pa nshiku sha kulekelesha Akeminina pe sonde. Nangu imititi ya mumunofu ikonaule uyu mubili, nalyo line, mumubili wandi Nkamona Lesa.”

<sup>284</sup> Umukashi wakwe atile, “Mulandunshi teti u Mutipile nokufwa?” Atile, “Ulemoneka ngo wa nkumbabulili uwabipa.”

<sup>285</sup> Atile, “Iwe ulelanda ngo mwanakashi uwabula amano.” Amen. Ulya Ali palya. “Ninjishiba ukutila Ena wa mweo, kabili Akeminina pa Bushiku bwa kulekelesha.”

<sup>286</sup> Nga cakuti Yesu taisia, Yobo nga talubwilwe, pantu Ena ali u Mwana wa mpaanga uwaipaiwe ukufuma ilyo mufula we sonde taulalengwa. Alishibe incende Yakwe. Alishibe icifulo Cakwe.

<sup>287</sup> Ulya emulandu wine, Maria aishibe cilye cifulo, bulya bushiku ilyo afumine mulya. Atile . . . “Nga Ine . . . Iwe wali kuno, ndume yandi ngatafwile.”

Atile, “Ndume yobe akabuka nakabili.”

Atile, “Ee, Shikulu, mukubuka. Ena ali mulumendo musuma.”

Yesu atile, “Lelo NINE kulya kubuka. Bushe naucetekela ici?”

<sup>288</sup> Atile, “Ee, Shikulu, Nincetekela ukutila Imwe muli Mwana wakwa Lesa uyo wali nokwisa mwisonde.”

Atile, “Nikwisa uko mwamushikile?” Oh! Mwacimona ico. Um-hum.

<sup>289</sup> Alicishibe. Ulyo namayo umunono talelanda ico. Alikwete ifiwa cinelubali ifyatamfiwe muli ena. Alishibe amaka yakwa Lesa, ayo ayengasenda icilumba nokupelelwa mano neintu fyonse, ukufuma muli ena, ifingasenda kalya akanono, umupashi wa-kusukulu uwakuitemwa ukufuma muli ena, nokumupanga icimumbwa cipya. Atamfische ifiwa cinelubali. Balya abanakashi balishibe ifyo Ena aali, abo aba Musumine.

<sup>290</sup> Balishibe ifyo Engabacitila. Eico neleelo balishiba, pamo. Cipokelelenifye. Ico ecintu cakonkapo.

<sup>291</sup> Epo Ali. Alilandile ico. Kabili Ena . . . Bushe mwalishiba icacitike. Oh!

<sup>292</sup> Bonse abengaculila i Cebo cimo cine, Afwilile uyo mulamdu. Ewingafwafwe Eka, ukucicita, pantu Ena aali Cebo. Aali Cebo, i Cebo icalangishiwa. Yonse ayashala mwaliko ukwibishiwa, lelo apa pali umwisulo wakwa Lesa, muli Ena. Aba Cimo cine ileelo. Aba Hebere 13:8 itila, “Yesu Kristu cimo cine mailo, ileelo, no muyayaya.” Kutikeni.

<sup>293</sup> Ndeisala, mucituntulu. Ndi nokucita ico, mfwile nacita ico. Nimpitilila panshita.

<sup>294</sup> Tatalile alembapo icebo cimo. Bushe efyo Acitile? [Ulukuta lwatila, “Iyo.”—Kale.] Tatalile alembapo icebo. Mulandunshi? Aali ni Cebo. Aali nicinshi? I Fyebo ifyalembelwe, Ena aali kumonekela kwa cilya Cebo. Ubukata! Whew! Nomba Ndeumfwa bwino. Aali ni Cebo. Tacalekabilwa ukulemba icintu nangu cimo. Aali Cebo, ici Cebo icalembwa ukulengwa ukumonekela. Ubukata kuli Lesa! Ena aba cimo cine ileelo, mailo, ileelo no muyayaya. Ena e Cebo, i Cebo ukulengwo kumoneka.

Muletila, “Bushe ico nacilungama, Munyina Branham?”

<sup>295</sup> Moneni Yehova ukwiminina kulya nokopishapo ukubyasha pali yalya mabimbi nga filya, nokupanga umusebo ukuti Israeli apitemo.

<sup>296</sup> Moneni Yehova mumubili, ukutila, “Umutende, ba tondolo.” Ilyo amabimbi yalepuma palulamba, mumfula yacipupu, ciwa ukulaonaula ifintu fyonse, nga filya, Atile, “Umutende, ba tondolo.” Kabili yena yali Munakile; ifimyela na fyonse. Ena aali ni Yehova. Amen.

<sup>297</sup> Uuo Yehova uwingeminina nokwitila tumume utunono kunse, ukuleka twaponena psonde kabili apangile umukate wakulisha abantu.

<sup>298</sup> Aiminine nokubula isabi lisano, nangu bisketi ine nesabi libili, nokulisha amakana yasano.

<sup>299</sup> Aali ni Cebo. Amen. Amen. Ena ni Cebo, kabili Akaba pe i Cebo. Kabili ine naba ng’anda yandi, tuli nokubombela i Cebo.

Oh, Ndefwaya uku Mumona, ndefwaya  
 ukulolesha pacinso Cakwe,  
 Kulya ukwimba pe na pe pakusenamina  
 Kwakwe;  
 Pamisebo yaku Bukata, lekeni njimye ishiwi  
 lyandi;  
 Ilyo ifyakusakamna fyapita, nafika kung’anda,  
 ukusangalala pe.



300 Oh, owe! Ee. Shipikisheni ukusebana kwa Cebo. Kwaliba ukusebana ukwenda ne Cebo. Ikaleni abalungama ne Cebo, nokushipikisha mukusebana.

Natupepe.

301 Mwe Yesu, ngafilya cali ubushiku bwafumako, Shikulu, Nalilile ukutila, “O Mwe Yesu, bushe nifinshi Mwalanenga ukucita? Nifinshi Ningacita, Shikulu? Ukumona ifi fintu, nokwishiba inshita iyo tuleikalamo, nicinshi ico Ningacita, Shikulu? Ni cinshi ico Ningacita?”

302 Napepelako ichalichi candi icinono pano, Shikulu. Ndetontonyanya pa tuni utunono mucimonwa, ifintu ifyacitike; kabili ifyuni fimi, ifyo fyali ifikalamba. Lelo fyapangile ifyailikwa fitatu, Shikulu. Lelo ilyo balya ba Malaika baishile ingila, takwali ifyuni ifyashela. Inkombe ishinono shaliwama, Shikulu, lelo Ndecetekela ukutila kuliko icintu cimo icili mupepi nokucitika. Leken i cibe, Shikulu. Tubumbeni no kutulenga ukukonka inshila Yenu. Ifwe tuli—ifwe tuli ibumba. Imwe muli Kabumba.

303 Pali ubu bushiku ubwakuti mailo Ciminshiminshi, Shikulu, tuli abatotela pacabupe icakwa Lesa, pakutupela Lesa. Nangu ici cingaba ica, nga fintu twacetekela mumitima yesu, icakwelenganya icabusenshi icabushiku baesha ukubulunganika nokucipanga kwati—kwati minsa, iminsa yakwa Kristu, lelo tatuleingilamo muli iyo nshila yakwa Santa Claus ne cimuti ca Chiminshiminshi ne—ne fyakukobaika. Lelo tuleisa mwi Shina lyakwa Shikulu Yesu, ku kushinshimuna Lesa uwa ku Muulu, cilya capangilwe mumubili, umubili uwapala ifwe, nokwikala mukati kesu, kukulubula; kabili apitile mukusebanya kwe Shina, apitile mukusebana kwa lupanda, ukuleka akabungwe kapanga icalo ukwipya Emanwele, mukutilati Atuletele u Mweo wa Muyayaya.

304 Nifwe bani, Shikulu? Nifwe bani, ukuti tukane umusebanya uwngaba onse? Mwe Lesa tupangeni ukuba abashilika ababulamba. Nabika aya masihi kuli Imwe, Taata. Limbi bali abamokauka; abanaka kabili abafunshika nga fintu Ndi. Lelo, Taata, balambuleni aba bantu pakwikala nokumfwa. Kabili lekeni amaka ayaletete Shikulwifwe, noku Muleta kuli ifwe pano ukuba Kapususha, muli ishi nshiku shakulekelesha, lekeni yacincimushe umupashi onse muno, Shikulu kukupalama kwa Kwisa kwakwa Shikulu Yesu. Leken i cibe ifyo fine, Taata.

305 Undapeni abalwele na balecushiwa abali pakati kesu. Ukukaka umutima-uwabulanda. Shikulu, ifwe tuli . . . Twalipita mufintu ifingi nganshi, umutima wandi walikwata ifibala ifingi nganshi palico, Shikulu, kumulandu wabulwi ubwakosa. Ndi ncenshi yakale. Ngafweni, Shikulu. Ndekabila ubwafwilishao Bwenu. Limbi konse ukukanshiwa uku kaliba nobupilibulo.

Ndecetekela cili ifyofine, Shikulu. Ngafwilisheni, O Mwe Lesa. Kabili afwilisheni ici chalichi. Kabili tupaleni, capamo.

<sup>306</sup> Paleni abana abanono. Ndetontokanya pabengi ileelo, abanono, abaice ababusu tabapokelele icintu nangu cimo kunse kulya. Kabili Nde—Ndepepa ukutila Muli nokuba pamo nabena n kubafwilisha. Bapeni u Mweo wa Muyayaya, Shikulu. Cilya ecikalamba . . . cilya e Cabupe ica Ciminshiminshi ico tulefwaya, e Mweo wakwa Yesu Kristu ukuteeka nokutungulula mumutima wandi. Ico eco Ndefwaya, Shikulu.

<sup>307</sup> Tupaaleni, bonse pamo nomba. Tulepela ifi Fyebo kuli Imwe. Lekeneni fiponene konse uko filefwaya, Shikulu. Konse uko umutima waisuka, lekeneni filete ukukwata inshita iisuma nganshi iyepusukilo, mwi Shina lyakwa Yesu. Ameni.

<sup>308</sup> Bonse abo . . . Nibanga aba Mutemwa? Beni mu kwangufyanya palwa ico, nangu cibe ifyo? Oh, Nali Mutemwa! Nali Mutemwa. “Shikulu, cinshi ico Mwalanenga ukucita?”

<sup>309</sup> Mwilabako ukulongana muno bushiku. Namwishiba ifyo i Ciminshiminshi cipilibula nomba? Oh, *Ici* cabupe candi ica Ciminshiminshi. *Ici* ecilya Cebo. Shikulu, nga kuti Nailengafye nemwine, nga kuti Naifumyafye nemwine munshila icakuti i Cebo Cenu cinga Cilondolola, Icine ceka monse *muno*, ico—ico acikalamba icintu ico Naishiba.

<sup>310</sup> Nomba Ndetontokanya ukutila nabakwata ifintu fimo ifyo balefwaya ukupela kubana. Nomba Nalabwesha ukutungulula ukulongana kuli Munyina Neville. Lesa amupaale.

Munyina Neville.



*UMUSEBANYA PA MULANDU WA CEBO* BEM62-1223  
(The Reproach For The Cause Of The Word)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, mu Mupundu milimo pa 23, 1962, ku Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)